



SUD BOSNE I HERCEGOVINE

СУД БОСНЕ И ХЕРЦЕГОВИНЕ



KRIJUMČARENJE MIGRANATA

Praksa Suda Bosne i Hercegovine, period od 2018. do 2021.

Sarajevo, april 2022. godine

SADRŽAJ

PREDGOVOR	3
RJEČNIK POJMOVA	4
POJAVA KRIJUMČARENJA MIGRANATA	5
INSTITUCIONALNI OKVIR	6
ZAKONSKA REGULATIVA	7
INSTITUCIJE KOJE UČESTVUJU U POSTUPKU PRED SUDOM BOSNE I HERCEGOVINE	9
PREGLED STATISTIKE	11
SUDSKA PRAKSA SUDA BOSNE I HERCEGOVINE.....	14

PREDGOVOR

Ljudi su oduvijek, u potrazi za boljim životom, migrirali s jednog mjesta na drugo. Razlozi stalnih migracija su različiti, no najčešće se svode na bijeg od ratnih sukoba, siromaštva, političkih progona ili prirodnih nepogoda. Migranti nerijetko rizikuju živote u potrazi za boljom i sigurnijom budućnosti, a njihovo najčešće odredište su zemlje Evropske unije. Migranti se nadaju boljim životnom uvjetima, poslu i dobrom obrazovanju, no za razliku od izbjeglica, koje štiti međunarodno pravo, odnosno Konvencija o izbjeglicama iz 1951. godine, za migrante su nadležne nacionalne vlade i njihovi zakoni.

U posljednjih nekoliko godina Evropa je suočena s najvećim migrantskim izazovom od Drugog svjetskog rata, a Bosna i Hercegovina se, zbog specifičnog geopolitičkog položaja, našla pod velikim pritiskom priljeva migranata. Prema podacima Službe za poslove sa strancima, migranti su u Bosnu i Hercegovinu najviše stizali iz Sirije, Tunisa, Libije, Afganistana i Pakistana, no za većinu njih Bosna i Hercegovine je usputna stanica na putu ka Evropskoj uniji.

Od početka 2018. godine veliki broj migranata ušao je u Bosnu i Hercegovinu što je državi prouzrokovalo probleme u pogledu ljudskih i finansijskih resursa, dok su se pravosudne institucije suočile sa značajnim prilivom predmeta koji se odnose na krijumčarenje.

Migrantska kriza u Bosni Hercegovini traje od početka 2018. godine kada su počela prva lišavanja slobode i optužnice. Aktivnosti Granične policije Bosne i Hercegovine i Tužilaštva Bosne i Hercegovine bile su ključne kako bi Sud Bosne i Hercegovine, u okviru svoje nadležnosti, sankcionisao počinioce krivičnih djela. No krijumčarenje migranata je transnacionalni kriminal koji zahtijeva različite oblike međunarodne saradnje kao što je saradnja između policijskih snaga. Iako ne postoji specifičan regionalni ugovor koji se odnosi na krijumčarenje migranata, Konvencija o policijskoj saradnji u jugoistočnoj Evropi (PCC) obuhvata sve aspekte međunarodne saradnje između agencija za provedbu zakona u pogledu svih oblika kriminala, uključujući trgovinu ljudima i krijumčarenje migranata.

Bosna i Hercegovina pruža, u okviru svojih mogućnosti, zaštitu migrantima koji s Bliskog istoka i sjevera Afrike preko Zapadnog Balkana pokušavaju doći do Evropske unije. No, prema podacima Ministarstva sigurnosti Bosne i Hercegovine i Međunarodne organizacije za migracije (IOM), broj migranata koji je ove godine ušao u Bosnu i Hercegovinu je u padu. Tendencija pada ima više razloga – pandemija korona virusa, jačanje granice između Bosne i Hercegovine i Srbije, odakle u zemlju ulazi najveći broj migranata, te sve skuplja i neizvjesnija migrantska ruta koja do Evropske unije vodi preko Bosne i Hercegovine.

RJEČNIK POJMOVA

Migrant: Migrant je svaka osoba koja se kreće ili je prešla međunarodnu granicu, ili napušta svoje uobičajeno mjesto stanovanja unutar svoje države, bez obzira:

- (1) na pravni status osobe;
- (2) je li kretanje dobrovoljno ili prisilno;
- (3) na uzroke pokreta; ili
- (4) na dužinu boravka ¹

Krijumčarenje: stjecanje, direktno ili indirektno, finansijske ili druge materijalne koristi od nezakonitog ulaska osobe u državu članicu u kojoj ta osoba nema državljanstvo ili stalno prebivalište.

„**Krijumčarenje migranata**” - podrazumijeva posredovanje u svrhu izravnog ili neizravnog stjecanja finansijske ili druge materijalne koristi od nezakonitog ulaska osobe u stranu državu koje ta osoba nije državljanin ili u njoj nema trajno boravište. Međutim, treba navesti da u praksi razliku između trgovine ljudima i krijumčarenja migranata nije uvijek jednostavno utvrditi i održati. Naprimjer, mnoge žrtve trgovine ljudima, muškarci kao i žene, svoje putovanje započnu kao krijumčareni migranti – tako što angažiraju pojedinca ili grupu da im pomognu prilikom njihovog ilegalnog kretanja u zamjenu za finansijsku korist. U klasičnoj situaciji krijumčarenog migranta, odnos između migranta i krijumčara zasniva se na dobrovoljnoj osnovi i kratkoročan je – završava u trenutku kada migrant dolazi u zemlju koja je konačno odredište. Međutim neki krijumčareni migranti primorani su da nastave takav odnos kako bi otplatili velike troškove prijevoza. Upravo u ovoj posljednjoj fazi, konačni cilj trgovine ljudima (dužnički odnos, iznuda, upotreba sile, prisilan rad, prisilno činjenje krivičnih djela, prisilna prostitucija) postaje očit.²

¹ International Organization for Migration, *Rječnik pojmova o migracijama*, Međunarodno pravo migracija, serija zakona br. 25, 2011.

² Protokol protiv krijumčarenja migranata kopnom, morem i vazduhom koji dopunjuje Konvenciju Ujedinjenih nacija protiv transnacionalnog organizovanog kriminala, 2006., dostupan na: <https://eur-lex.europa.eu/legal-content/HR/TXT/?uri=CELEX%3A32006D0616>

POJAVA KRIJUMČARENJA MIGRANATA

Krijumčarenje migranata predstavlja posredničku djelatnost kojom se omogućava nezakonit prelazak državne granice u drugu državu, uz pristanak osobe koja se krijumčari.



Krijumčarenje migranata je počelo samim dolaskom migranata na područje Bosne i Hercegovine, tačnije od početka 2018. godine, kada je Bosna i Hercegovina doživjela drastičan porast broja migranata koji ulaze u zemlju. Migranti se upuštaju u opasna i duga putovanja kako bi stigli do Evrope, a Bosna i Hercegovina je obično zemlja koja služi samo kao tranzit za dolazak na područje Evropske unije. Prilivom migranata na područje Bosne i Hercegovine došlo je do povećanja broja krivičnih djela koja se vežu za migracije.

Organizirane kriminalne grupe s područja Bosne i Hercegovine koje krijumčare migrante su napravile „veliki posao“ od toga i na taj način zaradile, a i dalje zarađuju znatnu protupravnu imovinsku korist pribavljenu izvršenjem krivičnih djela. Ovaj podatak proizlazi iz provedenih krivičnih postupaka pred Sudom BiH, odnosno dosuđenih iznosa.

INSTITUCIONALNI OKVIR

Nadležnost Suda Bosne i Hercegovine

Sud Bosne i Hercegovine je, u okviru svoje stvarne nadležnosti, nadležan za dva krivična djela koja se tiču krijumčarenja migranata, i to krivična djela iz glave XVII (krivična djela protiv čovječnosti i vrijednosti zaštićenih međunarodnim pravom), krijumčarenje ljudi iz člana 189. Krivičnog zakona Bosne i Hercegovine i organiziranje grupe ili udruženja za izvršenje krivičnog djela krijumčarenje migranata iz člana 189.a Krivičnog zakona Bosne i Hercegovine.



Odjel II Suda Bosne i Hercegovine je nadležan za krivično djelo organiziranje grupe ili udruženja za izvršenje krivičnog djela krijumčarenje migranata, dok je Odjel III Suda Bosne i Hercegovine nadležan za krivično djelo krijumčarenje ljudi. Analiziranjem bitnih obilježja pomenutih krivičnih djela, Sud Bosne i Hercegovine utvrđuje nadležnost odjela koji će postupati u konkretnom slučaju.

ZAKONSKA REGULATIVA

Krivičnim zakonom BiH propisana su dva krivična djela kojima se reguliše krijumčarenje migranata, i to: krijumčarenje lica i organiziranje grupe ili udruženja za izvršenje krivičnog djela krijumčarenje migranata.



Krijumčarenje lica

Član 189.

(1) Ko u namjeri da pribavi za sebe ili drugog neku korist, nedozvoljeno prevede ili omogući prevođenje jednog ili više migranata ili drugih lica preko državne granice ili ko u tu svrhu sačini, nabavi ili posjeduje lažne putne ili lične isprave kazniće se kaznom zatvora od jedne do deset godina.

(2) Ko vrbuje, preveze, sakrije, pruži zaštitu ili na drugi način omogući boravak krijumčarenih lica u Bosni i Hercegovini kaznit će se kaznom zatvora od šest mjeseci do pet godina.

(3) Ako je djelo iz stavova (1) i (2) ovog člana počinjeno u sastavu organizirane grupe ili grupe za organizirani kriminal, zloupotrebom službenog položaja ili na način kojim se ugrožava život, zdravlje ili bezbjednost krijumčarenih lica ili je prema njima postupano u

svrhu iskorištavanja ili na drugi nečovječan ili ponižavajući način, počinitelj će se kazniti kaznom zatvora od tri do petnaest godina.

(4) Kaznom iz stava (3) ovog člana kaznit će se i onaj ko djelo iz stavova (1) i (2) ovog člana počini prema licu koje nije navršilo 18 godina života.

(5) Ako je zbog djela iz stavova (1) i (2) ovog člana nastupila smrt jedne ili više krijumčarenih lica, počinitelj će se kazniti kaznom zatvora najmanje pet godina.

(6) Predmeti ili prevozna sredstva upotrijebljena za izvršenje djela oduzeće se.



Organizovanje grupe ili udruženja za izvršenje krivičnog djela "krijumčarenje migranata"

Član 189.a

(1) Ko organizira grupu ili drugo udruženje za izvršenje krivičnog djela iz člana 189. ovog Zakona (krijumčarenje ljudi), kaznit će se kaznom zatvora od najmanje tri godine.

(2) Ko postane pripadnik grupe ili drugog udruženja iz stava (1) ovog člana ili na drugi način pomaže grupu ili udruženje kaznit će se kaznom zatvora najmanje jednu godinu.

(3) Na organizatora ili rukovodioca organizirane grupe ili drugog udruženja u čijem sastavu su djela iz stava (1) ovog člana počinjena i njihove pripadnike primjenjuju se odredbe iz člana 250. (organizirani kriminal) ovog Zakona.

U ovom krivičnom djelu radnje izvršenja su nedozvoljeno prevođenje ili omogućavanje prevođenja migranta ili druge osobe preko državne granice, ili prevoz, sakrivanje, pružanje zaštite ili na drugi način omogućavanje nezakonitog boravka krijumčarenih osoba u BiH. Motiv za izvršenje ovog krivičnog djela je sticanje imovinske koristi, međutim prisila izostaje, jer uglavnom migranti stupaju u kontakt sa izvršiocima ovog krivičnog djela i djeluju zajednički u ostvarivanju cilja.

INSTITUCIJE KOJE UČESTVUJU U POSTUPKU PRED SUDOM BiH

Granična policija BiH

Granična policija BiH je operativno samostalna organizacija pri Ministarstvu sigurnosti BiH, čije nadležnosti su regulirane Zakonom o Graničnoj policiji BiH, u članu 7.

Granična policija BiH je od primarnog značaja za provjeru dolazećih migranata i izbjeglica i kao takva zauzima jednu od važnih uloga u postupku. Zaduženja Granične policije BiH su nadzor i kontrola međunarodnih granica Bosne i Hercegovine. Granična policija BiH je ključna kada je u pitanju identifikovanje migranata i izbjeglica koji ulaze u zemlju³. Ova institucija je dužna dostaviti izvještaj o počinjenju krivičnog djela Tužilaštvu BiH⁴, a zatim Tužilaštvo BiH po osnovu tužilačke odluke pokreće krivični postupak, odnosno podiže optužnicu, o kojoj u postupku odlučuje Sud i po okončanju istog, donosi konačnu presudu.

Tužilaštvo BiH

Nadležnosti Tužilaštva BiH regulirane su Zakonom o Tužilaštvu BiH.

Član 16. Zakona o krivičnom postupku BiH propisuje sljedeće: *Krivični postupak se može pokrenuti i provesti samo po zahtjevu tužioca.* Kao što je u tekstu već napomenuto, od

³ Procjena situacije u vezi s migrantima i izbjeglicama u Bosni i Hercegovini, Pregled djelovanja ključnih aktera na terenu, OSCE.

⁴ Član 7. stav 3. Zakona o graničnoj policiji BiH – Nadležnosti Granične policije BiH (...) Sprečavanje, otkrivanje i istraživanje djela koja su propisana krivičnim zakonima u Bosni i Hercegovini.

Tužilaštva BiH primarno zavisi da li će, na osnovu procjene svih okolnosti i dokaza, pokrenuti krivični postupak.



Tužilaštvo BiH je ključni akter u provođenju istraga i krivičnom gonjenju izvršioca krivičnih djela povezanih s krijumčarenjem migranata i migracijama općenito. Aktivnosti i djelovanje Tužilaštva BiH su u koordinaciji s nadležnim organima za provođenje zakona koja su uključena u kontrolu i borbu protiv kriminalnih aktivnosti⁵.



Aktivnosti Granične policije BiH i Tužilaštva BiH su ključne i neophodne kako bi Sud BiH u okviru svojih nadležnosti na adekvatan način sankcionisao počinioce krivičnih djela. Vrlo bitan segment sankcionisanja jesu primarne svrhe kažnjavanja, i to generalna⁶ i specijalna⁷ prevencija, posebno imajući u vidu obimnost i kontinuitet vršenja ovih krivičnih djela.



⁵ Procjena situacije u vezi s migrantima i izbjeglicama u Bosni i Hercegovini, Pregled djelovanja ključnih aktera na terenu, OSCE.

⁶ GENERALNA PREVENCIJA – preventivni utjecaj na druge da poštuju zakone i ne čine krivična djela.

⁷ SPECIJALNA PREVENCIJA – utjecaj na počinioca da ubuduće ne čini krivična djela i poticaj njegovog preodgoja.

PREGLED STATISTIKE OKONČANIH POSTUPAKA PRED SUDOM BIH (2018.-2021.)





83 presude po sporazumima o
priznanju krivice

Izrečenih sporednih kazni:
117.978,00 KM

Za **55** lica izdata rješenja za naknadu sudskih troškova
postupka u iznosu :
48.563,45 KM


Oduzeta imovinska korist:
188.283,79 KM
i
12.140,00 €

SUDSKA PRAKSA SUDA BiH

Ova tema je obrađena, između ostalog, i u biltenima sudske prakse Suda Bosne i Hercegovine (brojevi 10/2020 i 11/2021). Posebna je pažnja posvećena primjerima iz presuda Suda Bosne i Hercegovine, tačnije obrazloženjima istih, a na koje ukazujemo u nastavku:

Organiziranje grupe ili udruženja za izvršenje krivičnog djela „krijumčarenje migranata“ iz člana 189.a KZBiH

Za postojanje krivičnog djela organiziranje grupe ili udruženja za izvršenje krivičnog djela „krijumčarenje migranata“ iz člana 189.a KZBiH za koje je optuženi oglašen krivim nije od značaja da li je optuženi, kao organizator grupe, lično ostvario određenu imovinsku korist, bitno je da je radnja izvršenja poduzeta iz koristoljubivih pobuda.



Iz obrazloženja:

Vijeće nalazi da se neosnovano u žalbi branioca optuženog ukazuje kako prvostepeni sud nije utvrdio da kod optuženog nije postojao motiv koristoljublja, jer iz obrazloženja pobijane presude nesumnjivo proizilazi da je krivičnopravne radnje za koje je oglašen krivim optuženi poduzeo radi sticanja imovinske koristi, dakle iz koristoljublja, pri čemu za postojanje krivičnog djela za koje je optuženi oglašen krivim nije od značaja da li je

imovinska korist i ostvarena, odnosno da li je optuženi lično kao organizator grupe ostvario određenu imovinsku korist. Stoga, a suprotno drugačijem prigovoru iz žalbe, pravilnost ovakvog utvrđenja nije dovedena u sumnju odlukom Suda o odbijanju prijedloga Tužilaštva za oduzimanje imovinske koristi od optuženog, s obrazloženjem da Tužilaštvo nije ponudilo dokaze iz kojih bi se pouzdano moglo utvrditi da je optuženi izvršenjem krivičnog djela stekao određenu imovinsku korist i u kojem iznosu.


Dakle, vijeće nalazi ispravnim zaključak prvostepenog suda da je nesumnjivo utvrđeno da je krivičnopravne radnje za koje je oglašen krivim optuženi poduzeo iz koristoljublja, te da je sticanje imovinske koristi bilo dogovoreno ili obećano, a što su potvrdili i sami saslušani svjedoci/migranti. Prema stavu ovog vijeća za postojanje ovog krivičnog djela potrebno je da je radnja izvršenja poduzeta iz koristoljublja, dakle, radi ostvarenja finansijske ili druge materijalne koristi, te da se navedena korist može steći sebi ili drugim licima. U tom smislu, na osnovu provedenih dokaza, vijeće je utvrdilo da je optuženi A. A. navedene radnje poduzeo iz koristoljublja, odnosno da je taj motiv ustvari i osnovni razlog izvršenja krivičnog djela, gdje je sticanje imovinske koristi bilo unaprijed dogovoreno ili obećano, te samom činjenicom da su optuženi djelovali kao grupa, upućuje da nije neophodno da je optuženi svojim radnjama ostvario ličnu imovinsku korist, nego je za postojanje ovog djela dovoljno je da je takva korist ostvarena i za drugog. Da je motiv koristoljublje i da je grupa kao cjelina ostvarila veliku imovinsku korist, ukazuju upravo dokazi koji se odnose na uplate putem Western Uniona i drugih sistema (prilikom pretresa prostorija koje koristi lice pod imenom W. H. je pronađeno više desetina uplatnica s različitim novčanim iznosima u KM i euro valuti) i to adresirane na imena više različitih osoba, od kojih je u najvećem broju upravo lice po imenu W., koji je boravio u stanu koji su koristili upravo organizatori U. A., ali , prema podacima u spisu, i optuženi A. A., i koja osoba se pojavljuje u presretnutim komunikacijama, između ostalog i sa optuženim A. A., te i sa drugim pripadnicima grupe, prilikom organizacije i realizacije krijumčarenja.

(Presuda vijeća Apelacionog odjeljenja Suda BiH, broj: S1 2 K 031414 20 Kž 9 od 7.7.2020. godine)⁸

⁸ Sud Bosne i Hercegovine, Bilten sudske prakse, 10/2020.

Krivično djelo krijumčarenje ljudi iz člana 189. stav 2. KZBiH

Da bi se radilo o krijumčarenom licu u skladu s odredbom člana 189. stav 2. KZBiH, pored toga što se zahtijeva da se radi o njegovom nezakonitom ulasku i boravku, mora se zadovoljiti još jedan element, a to je da je tu „nezakonitost ulaska i boravka” stranog državljanina/migranta omogućila neka treća osoba u cilju ostvarenja neke koristi za sebe ili drugog. Okolnosti nezakonitog ulaska i boravka mogle bi upućivati, odnosno biti indicije da se radi o krijumčarenom licu, međutim bez dokaza na koji način je ta osoba ušla, odnosno da li je taj njen nezakoniti ulazak produkt „krijumčarenja”, ne mogu se smatrati dovoljno dokazanim u smislu ovog objektivnog elementa predmetnog krivičnog djela.



Iz obrazloženja:

Prije svega, kada su u pitanju žalbeni navodi da je Sud donio pogrešan zaključak da nije dokazano da se radi o krijumčarenim licima, vijeće nalazi da se krivično djelo za koje se optuženi izmijenjenom optužnicom tereti (član 189. stav 2. ZKPBiH) može počiniti samo u odnosu na krijumčareno lice, što je bitni element bića ovog krivičnog djela, pa samim tim i osnov za utvrđivanje krivnje optuženog.

Stoga je u konkretnom slučaju Tužilaštvo bilo u obavezi dokazati da su lica koja je optuženi prevezio (tačka 1. optužnice), odnosno kojima je obezbijedio smještaj (tačka 2. optužnice) krijumčarena lica, kako se to i navodi u činjeničnom opisu optužnice.

Kod razmatranja pojma „krijumčarene osobe“, ovo vijeće nalazi pravilnim pozivanje prvostepenog vijeća na definiciju iz odredbe člana 3. tačka a) Protokola protiv krijumčarenja migranata kopnom, morem i zrakom, kojim se dopunjava Konvencija UN protiv transnacionalnog organiziranog kriminaliteta (a koji Protokol, odnosno njegov član 6. je ustvari bio osnov inkriminacije člana 189. KZBiH), u kojoj se navodi da „krijumčarenje migranata“ znači priskrblijvanje, kako bi se ostvarila, direktno ili indirektno, finansijska ili druga materijalna korist, od nezakonitog ulaska neke osobe u stranu državu čiji ona nije državljanin ili stalni stanovnik, dok je tačkom b) istog člana definisano da „nezakoniti ulazak“ znači prelazak granica bez poštivanja neophodnih uslova za zakonit ulazak u državu koja ih prima.



Dakle, analizirajući navedeni objektivni element ovog krivičnog djela kroz prizmu ove definicije, vijeće nalazi da je Tužilaštvo moralo dokazati da su u ovom slučaju strani državljani/migranti koji su pronađeni u automobilu optuženog (tačka 1. optužnice) / odnosno u objektu porodične kuće (tačka 2. optužnice), ustvari krijumčarena lica, odnosno da su nezakonito „prokrijumčareni“ od strane nekih trećih lica koja su u tim radnjama (njihovog nezakonitog ulaska) imala za cilj ostvarivanje neke koristi, kako to zahtijeva pomenuti Protokol.

Tužilaštvo, po ocjeni ovog vijeća, pojam „krijumčarene osobe” pogrešno percipira, te iz analize žalbe proizilazi da Tužilaštvo smatra da je to ustvari ona osoba čiji je ulaz u BiH nezakonit, odnosno osoba koja nema validne dokumente za boravak u BiH i nezakonito boravi na teritoriji BiH. Prema stavu ovog vijeća, činjenica da je neka osoba nezakonito ušla, te da nelegalno boravi na području države čiji ona nije državljanin ili stalni stanovnik, ne znači automatski da se radi i o krijumčarenom licu. Da bi se radilo o tom licu pored toga što se zahtijeva da se radi o njegovom nezakonitom ulasku i boravku, mora se zadovoljiti još jedan element, a to je upravo da je tu „nezakonitost ulaska i boravka” stranog državljanina/migranta omogućila neka treća osoba u cilju ostvarenje neke koristi za sebe ili drugog. Istina ovakve okolnosti nezakonitog ulaska i boravka mogle bi upućivati, odnosno biti indicije da se radi o krijumčarenom licu, međutim bez dokaza na koji način je ta osoba ušla, odnosno da li je taj njen nezakoniti ulazak produkt „krijumčarenja”, kako je to naprijed navedeno, ne mogu se smatrati dovoljnim u smislu ovog objektivnog elementa predmetnog krivičnog djela.

S obzirom na navedeno, a imajući u vidu sadržaj dokaza koji su provedeni na glavnom pretresu, vijeće nalazi pravilnim zaključak prvostepenog suda da Tužilaštvo nije ponudilo nijedan dokaz u odnosu na način dolaska navedenih lica na teritorij Bosne i Hercegovine, te da je samim tim ostala nepoznanica da li su ta navedena lica (bilo ona koje je optuženi prevezio ili koja su pronađena u stambenom objektu) granicu BiH prešla samostalno kao ilegalni migranti ili su ista prokrijumčarena od strane trećih lica. Jedini dokazi koji su ukazivali na te okolnosti su iskazi svjedoka stranih lica, koje je prvostepeni sud pravilno cijenio kao nezakonite, odnosno službene zabilješke sačinjene od strane ovlaštene službene osobe, koja je Sud pravilno cijenio kao nevjerodostojan dokaz (s obzirom na to da je razgovor vođen na engleskom jeziku bez sudskog tumača), dok izjave lica koja su pronađena u stambenom objektu nisu ni uzimane, zbog čega su tvrdnje optužbe da se radi o krijumčarenim licima, u potpunosti ostale nedokazane.

(Presuda vijeća Apelacionog odjeljenja, broj: S1 3 K 031880 21 Kž od 4. 6. 2021. godine)⁹

⁹ Sud Bosne i Hercegovine, *Bilten sudske prakse*, 10/2021.

Praksa Suda BiH u postupcima koji se tiču krijumčarenja migranata

- **Elhami Hoti – S1 K 028548 18 K**

Sud je nakon održanog pretresa za razmatranje sporazuma o priznanju krivnje i izricanje krivičnopravne sankcije, dana 18.6.2018. godine, donio presudu u predmetu kojom je optuženi Elhami Hoti oglašen krivim da je počinio krivično djelo organiziranje grupe ili udruženja za izvršenje krivičnog djela krijumčarenje migranata iz člana 189 a. stav 1. KZBiH, u vezi s krivičnim djelom krijumčarenje ljudi iz člana 189. stav 2., u vezi sa stavom 1. KZBiH. S tim u vezi, Sud ga je osudio na kaznu zatvora u trajanju od tri (3) godine. U izrečenu kaznu zatvora uračunava se vrijeme koje je optuženi proveo u pritvoru, počev od 7.2.2018. godine pa nadalje. Kao sporedna izrečena je novčana kazna u iznosu od 5.500,00 KM (pet hiljada pet stotina konvertibilnih maraka).

- **Đenit Rahimić i dr. – S1 2 K 028288 18 Ko**

Sud je razmotrio i prihvatio sporazume o priznanju krivnje u odnosu na optužene Đenita Rahimića, Dritona Fetajia i Samjuela Šabanija i izrekao presudu kojom je optuženi Đenit Rahimić oglašen krivim za kazneno djelo organiziranje grupe ili udruženja za izvršenje kaznenoga djela krijumčarenje migranata iz članka 189.a stav (2) Krivičnog zakona Bosne i Hercegovine u vezi s krivičnim djelom krijumčarenje ljudi iz člana 189. stav 2. KZBiH, optuženi Fetai Driton za kazneno djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav (2) KZBiH u vezi s krivičnim djelom krijumčarenje ljudi iz člana 189. stav 1. te u vezi s članom 26. KZBiH, a optuženi Samjuel Šabani za kazneno djelo organiziranje grupe ili udruženja za izvršenje kaznenoga djela krijumčarenje migranata iz člana 189.a stav (2),u vezi s krivičnim djelom krijumčarenje ljudi iz člana 189. stav 1. te u vezi s članom 26. KZBiH. Optuženi Đenit Rahimić je osuđen na kaznu zatvora u trajanju od tri mjeseca i obavezan je da isplati novčani iznos u iznosu od 50 KM, koji predstavlja visinu protupravne imovinske koristi pribavljene krivičnim djelom, u korist budžeta Bosne i Hercegovine, a koji je uplaćen. Optuženi Driton Fetai osuđen je na kaznu zatvora u trajanju od tri mjeseca i optuženom se u izrečenu kaznu zatvora uračunava vrijeme provedeno u pritvoru od 7.2.2018. do 10.5.2018. godine, kada je ukinut pritvor. Optuženi Samjuel Šabani osuđen je na kaznu zatvora u trajanju od tri mjeseca i optuženom se u izrečenu kaznu zatvora uračunava vrijeme provedeno u pritvoru od 7.2.2018. do 1.5.2018. godine, kada je ukinut pritvor. Optuženi se obavezuje da isplati novčani iznos u iznosu od 100 EUR (odnosno 195,58 KM po srednjem kursu Centralne banke BiH), koji predstavlja visinu protupravne imovinske koristi pribavljene krivičnim djelom, u korist budžeta Bosne i Hercegovine, a koji iznos je i uplaćen.

- **Adem Tufek – S1 3 K 026976 18 K**

Sud je 23.3.2018. godine donio i javno objavio presudu kojom je optuženi Adem Tufek oglašen krivim za krivično djelo krijumčarenje ljudi iz člana 189. stav 1. Krivičnog zakona BiH, te mu je za počinjeno krivično djelo izrečena uvjetna osuda kojom mu je utvrđena kazna zatvora u trajanju od jedne (1) godine, te istovremeno određeno da se ista neće izvršiti ako optuženi u roku od dvije (2) godine od pravomoćnosti presude ne počini novo krivično djelo. Presudom je od optuženog trajno oduzet predmet upotrijebljen za izvršenje krivičnog djela i to pmv. marke „Hyundai“ tip „Accent“, vlasništvo rent-a-car kuće „Champion“ d.o.o Mostar koje je upućeno na parnični postupka sa ciljem ostvarivanja imovinskopravnog zahtjeva prema optuženom. Presudom je od optuženog oduzeta i imovinska korist stečena krivičnim djelom u iznosu od 300 EUR, te je isti obavezan i na troškove krivičnog postupka koji će se odrediti posebnim rješenjem po pribavljanju relevantnih podataka.

- **Baškim Čočaj – S1 3 K 027241 18 K**

Sud je, nakon održanog ročišta za razmatranje sporazuma o priznanju krivnje, a po održanom pretresu za izricanje krivičnopravne sankcije, donio presudu kojom je optuženi Baškim Čočaj oglašen krivim za krivično djelo krijumčarenje ljudi iz člana 189. stav 2. Krivičnog zakona BiH, u vezi s članom 26. istog Zakona, te mu je Sud izrekao uvjetnu osudu kojom je optuženom utvrđena kazna zatvora u trajanju od jedne godine i istovremeno određuje da se ova kazna neće izvršiti ukoliko optuženi u roku od dvije (2) godine, od dana pravosnažnosti presude, ne počini novo krivično djelo. Na osnovu člana 188. stav 1. Zakona o krivičnom postupku BiH optuženi je obavezan da naknadi troškove krivičnog postupka, i to troškove paušala u iznosu od 100 KM, u roku od 15 dana od dana pravosnažnosti presude.

- **Munir Ponjević – S1 3 K 026490 18 K**

Nakon razmatranja sporazuma o priznanju krivnje, Sud je 5.3.2018. godine donio presudu kojom je optuženog Munira Ponjevića oglasio krivim zbog počinjenog krivičnog djela krijumčarenje ljudi iz člana 189. stav 1. u vezi s članom 26. Krivičnog zakona Bosne i Hercegovine u pokušaju, te mu je izrekao uvjetnu osudu kojom mu je za počinjeno krivično djelo utvrđena kazna zatvora u trajanju od dvije (2) godine te istovremeno određeno da se ista neće izvršiti ukoliko optuženi u roku od četiri (4) godine od dana pravomoćnosti presude ne počini novo krivično djelo. Presudom su od optuženog trajno oduzeti predmeti upotrijebljeni za počinjenje krivičnog djela, te je od istog oduzeta imovinska korist stečena krivičnim djelom u iznosu od 110,00 EUR, dok je u pogledu troškova krivičnog postupka optuženi oslobođen plaćanja istih.

- **Siniša Šakić i dr. – S1 3 K 027682 18**

Sud je objavio presudu kojom su optuženi Siniša Šakić i Zoran Milošević oglašeni krivim za krivično djelo krijumčarenje ljudi iz člana 189. stav 2. u vezi sa stavom 1. KZBiH u vezi s članom 29. KZBiH te osuđeni na kaznu zatvora od po šest mjeseci. Na osnovu člana 110, 110.a i 111. KZBiH od optuženog Siniše Šakića je oduzeta imovinska korist stečena krivičnim djelom ukupno 885,00 KM. Istovremeno, od optuženih Siniše Šakića i Zorana Miloševića je oduzeta imovinska korist stečena krivičnim djelom. Na osnovu člana 189. stav 6. KZBiH, od optuženog Zorana Miloševića, trajno je oduzeto vozilo marke BMW korišteno kao predmet za izvršenje krivičnog djela, a s kojim vozilom će se nakon pravomoćnosti presude postupiti u skladu sa zakonskim propisima. Na osnovu člana 188. stav 1. ZKPBiH, optuženi Siniša Šakić i Zoran Milošević su obavezani da snose troškove krivičnog postupka, čiju visinu će Sud odrediti posebnim rješenjem nakon pribavljanja relevantnih podataka.
- **Zvonko Šekularac – S1 3 K 028400 18 Kps**

Sud je 26.6.2018. godine donio presudu kojom je optuženi Zvonko Šekularac oglašen krivim za krivično djelo krijumčarenje ljudi u pokušaju iz člana 189. stav 2. u vezi s članom 26. stav 1. KZBiH. Sud je optuženom izrekao uvjetnu osudu kojom je optuženom utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ukoliko optuženi u roku od tri (3) godine od dana pravosnažnosti presude ne počini novo krivično djelo.
- **Mumin Ćosić – S1 3 K 027402 18 K**

Sud je donio presudu od 28.6.2018. godine kojom je optuženi Mumin Ćosić oglašen krivim da je počinio krivično djelo krijumčarenje ljudi iz člana 189. stav 1. KZBiH, te mu je izrečena uslovna osuda i utvrđena kazna zatvora u trajanju od jedne godine, koja neće biti izvršena ukoliko optuženi u roku od tri godine od dana pravomoćnosti presude ne počini novo krivično djelo. Na osnovu člana 110, 110.a i 111. KZBiH od optuženog je oduzeta imovinska korist stečena krivičnim djelom u iznosu od 100 EUR, koji iznos je optuženi dužan naknaditi u roku od 30 dana od dana pravomoćnosti presude, uplatom u korist budžeta Bosne i Hercegovine, u protuvrijednosti konvertibilne marke po važećem kursu na dan uplate.
- **Amel Ušanović – S1 3 K 030996 18 K**

Sud je 6.11.2018. godine razmotrio i prihvatio sporazum o priznanju krivnje te donio presudu kojom je optuženi Amel Ušanović oglašen krivim za krivično djelo krijumčarenje ljudi iz člana 189. stav 2. u vezi s članom 29. istog Zakona. Sud je optuženom izrekao uvjetnu osudu kojom je optuženom izrečena kazna zatvora u trajanju od jedne (1) godine i istovremeno određeno da se ova kazna neće izvršiti ukoliko optuženi u roku od dvije (2) godine, od dana pravosnažnosti presude, ne počini novo krivično djelo.

- **Rustem Somnez – S1 3 K 031042 18 Kps**
Sud je 10.12.2018. godine izrekao presudu kojom je optuženi Rustem Somnez oglašen krivim za krivično djelo krijumčarenje ljudi iz člana 189. stav 1. KZBiH u vezi s članom 26. istog Zakona. Sud je optuženom izrekao kaznu zatvora u trajanju od tri (3) mjeseca.
- **Dejan Radović – S1 3 K 030747 18 Kps**
Sud je donio presudu od 12.12.2018. godine kojom je prihvaćen sporazum zaključen između Tužilaštva BiH i optuženog Dejana Radovića, te je isti oglašen krivim da je radnjama navedenim u izreci iste počinio krivično djelo krijumčarenje ljudi iz člana 189. stav 1. i 2. KZBiH, te mu je Sud na osnovu navedenog zakonskog propisa, a uz primjenu članova 58. i 59. KZBiH, izrekao uvjetnu osudu kojom se optuženom za počinjeno krivično djelo utvrđuje kazna zatvora u trajanju od jedne (1) godine i istovremeno određuje da se utvrđena kazna zatvora neće izvršiti ako optuženi u roku od tri (3) godine, od dana pravomoćnosti presude, ne počinu novo krivično djelo.
- **Haris Českin i dr. – S1 3 K 028785 18 Kps**
Sud je u predmetu Haris Českin i drugi 14.12.2018. godine izdao kazneni nalog kojim su optuženi Haris Českin i Haris Mulić oglašeni krivim za krivično djelo krijumčarenje ljudi iz člana 189. stav 2. u vezi sa stavom 1. KZBiH, a sve u vezi s članom 29. KZBiH. Sud je optuženima izrekao uvjetnu osudu kojom im je utvrđena kazna zatvora u trajanju od po jedne (1) godine, te istovremeno određuje da se utvrđene kazne neće izvršiti ukoliko optuženi u roku dvije (2) godine, od dana pravomoćnosti ove presude ne počine novo krivično djelo. Sud je optuženima kao sporednu kaznu izrekao novčanu kaznu od po 1.000,00 KM koju su optuženi dužni platiti u roku od šest (6) mjeseci, od dana pravomoćnosti ove presude.
- **Radoslav Stojaković – S1 3 K 029238 18 K2**
Sud je 13.2.2019. godine donio presudu kojom je optuženi Radoslav Stojaković oglašen krivim za krivično djelo krijumčarenje ljudi iz člana 189. stav 2. u vezi sa stavom 1. KZBiH. Sud je optuženom izrekao kaznu zatvora u trajanju od šest (6) mjeseci.
- **Admir Suljević i dr. – S1 3 K 032034 20 K**
Sud je 19.8.2020. godine razmotrio i prihvatio sporazume o priznanju krivnje te donio presudu kojom su optuženi Admir Suljević i optuženi Emin Karamustafić oglašeni krivim za krivično djelo krijumčarenje ljudi iz člana 189. stav 2. Krivičnog zakona BiH. Sud je optuženom Admiru Suljeviću izrekao uvjetnu osudu kojom mu je za počinjeno krivično djelo krijumčarenja ljudi iz člana 189. stav 2. Krivičnog zakona Bosne i Hercegovine utvrđena kazna zatvora u trajanju od jedne (1) godine, a koja kazna se neće izvršiti ukoliko optuženi u roku dvije (2) godine od dana pravosnažnosti presude ne počinu novo krivično djelo. Sud je optuženom Eminu Karamustafiću izrekao uvjetnu osudu kojom mu je za počinjeno krivično djelo krijumčarenja ljudi iz člana 189. stav 2. Krivičnog zakona Bosne i

Hercegovine utvrđena kazna zatvora u trajanju od jedne (1) godine, a koja kazna se neće izvršiti ukoliko optuženi u roku od dvije (2) godine od dana pravosnažnosti presude ne počini novo krivično djelo.

- **Iman Kurjaković – S1 3 K 031990 20 Kps**

Sud je 8.9.2020. godine razmotrio i prihvatio sporazum o priznanju krivnje te izrekao presudu kojom je optužena Iman Kurjaković oglašena krivom za krivično djelo krijumčarenje ljudi iz člana 189. stav 2. Krivičnog zakona Bosne i Hercegovine. Sud je izrekao uvjetnu osudu kojom je optuženom utvrđena kazna zatvora u trajanju od šest (6) mjeseci i istovremeno određeno da se ova kazna neće izvršiti ukoliko optuženi u roku jedne godine od dana pravosnažnosti presude ne počini novo krivično djelo.

- **Davor Jarčević – S1 3 K 028924 20 K**

Sud je 28.7.2020. godine, nakon održanog pretresa za razmatranje sporazuma o priznanju krivnje i pretresa za izricanje krivičnopravne sankcije, donio presudu kojom je optuženi Davor Jarčević oglašen krivim za krivično djelo krijumčarenje ljudi iz člana 189. stav 2. u vezi sa stavom 1. Krivičnog zakona Bosne i Hercegovine. Sud je izrekao uvjetnu osudu kojom je optuženom Davoru Jarčeviću, utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ukoliko optuženi u roku od dvije (2) godine od dana pravosnažnosti ove presude ne počini novo krivično djelo.

- **Saša Radić – S1 3 K 036578 20 Kps**

Sud je 22.9.2020. godine izrekao kazneni nalog kojim je prema optuženom Saši Radiću za krivično djelo krijumčarenje ljudi iz člana 189. stav 2. Krivičnog zakona Bosne i Hercegovine izrečena uslovna osuda kojom je utvrđena kazna zatvora u trajanju od jedne (1) godine, a koja kazna se neće izvršiti ako optuženi u roku od tri (3) godine od dana pravosnažnosti presude ne počini novo krivično djelo.

- **Eldin Okić – S1 3 K 035032 20 K**

Sud je 30.9.2020. godine, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio presudu kojom je optuženi Eldin Okić oglašen krivim za krivično djelo krijumčarenje ljudi iz člana 189. stav 1. Krivičnog zakona Bosne i Hercegovine u vezi s članom 26. istog Zakona. Sud je optuženom izrekao uvjetnu osudu kojom mu je utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ukoliko optuženi u roku od dvije (2) godine od dana pravosnažnosti ove presude ne počini novo krivično djelo. Sud je kao sporednu izrekao novčanu kaznu u iznosu od 1.000,00 KM koju je optuženi dužan platiti u roku od tri (3) mjeseca od dana pravosnažnosti ove presude, a ukoliko optuženi istu ne plati u ostavljenom roku Sud će novčanu kaznu zamijeniti kaznom zatvora tako što će za svakih započelih 100 KM novčane kazne odrediti jedan dan zatvora, s tim da ne može prekoračiti propisanu kaznu za ovo krivično djelo.

- **Ranko Novaković – S1 3 K 038821 21 K**
 Sud je donio presudu od 28.6.2021. godine kojom je utvrđeno da je optuženi Ranko Novaković počinio protupravno djelo krijumčarenje ljudi iz člana 189. stav 1. i 2. u vezi s članom 26. Krivičnog zakona Bosne i Hercegovine u stanju neuračunljivosti.
- **Deniel Dedić – S1 3 K 035009 20 K**
 Sud je donio presudu od 20.1.2021. godine, kojom je optuženi Deniel Dedić, primjenom člana 284. stav 1. tačka c) ZKPBiH, oslobođen optužbe da je radnjama opisanim u izreci prvostepene presude počinio krivično djelo krijumčarenje ljudi iz člana 189. stav 2. u vezi sa stavom 4. Krivičnog zakona Bosne i Hercegovine (KZBiH).
- **Belmin Škaljić – S1 3 K 039841 21 K**
 Sud je 24.2.2021. godine donio presudu kojom je optuženi Belmin Škaljić oglašen krivim zbog počinjenog krivičnog djela krijumčarenje ljudi iz člana 189. stav 3. u vezi sa stavovima 1. i 2. KZBiH i osuđen na kaznu zatvora u trajanju od jedne (1) godine. Uz kaznu zatvora, kao glavnu kaznu Sud je optuženom kao sporednu kaznu izrekao novčanu kaznu u iznosu od 3.000,00 KM, koju je optuženi dužan platiti u roku od 30 (trideset) dana od dana pravosnažnosti presude.
- **Branka Budalić i dr. – S1 3 K 028365 18 K**
 Sud je nakon razmatranja sporazuma o priznanju krivnje donio presudu kojom se Branka Budalić i Veljko Budalić oglašavaju krivim zbog krivičnog djela krijumčarenje ljudi iz člana 189. stav 2., u vezi s članom 29. KZBiH, kojom je optuženoj Branki Budalić izrečena uvjetna osuda kojom joj je utvrđena kazna zatvora u trajanju od šest (6) mjeseci, rok provjere dvije (2) godine, te Veljku Budaliću također uvjetna osuda kojom mu je utvrđena kazna zatvora u trajanju od jedne (1) godine, rok provjere četiri (4) godine. Pored navedenog, od optužene Branke Budalić oduzeto je putničko motorno vozilo kao sredstvo izvršenja krivičnog djela, a oba optužena su oslobođeni plaćanja troškova krivičnog postupka.
- **Dževad Rizvanović – S1 3 K 027793 18 K**
 Sud je zbog krivičnog djela krijumčarenje ljudi iz člana 189. stav 2. KZBiH, nakon održanog glavnog pretresa, donio presudu kojom je optuženi oglašen krivim za učinjeno predmetno krivično djelo. Sud je optuženom izrekao uvjetnu osudu kojom mu je utvrđena kazna zatvora u trajanju od šest (6) mjeseci, koja neće biti izvršena ukoliko optuženi u roku od dvije (2) godine od dana pravomoćnosti presude ne počinu novo krivično djelo. Presudom je optuženom oduzeto putničko motorno vozilo koje je služilo u izvršenju krivičnog djela, te mu je oduzeta imovinska korist koju je stekao izvršenjem predmetnog krivičnog djela u visini od 50 EUR i 110 KM. Optuženi je oslobođen plaćanja troškova postupka i isti padaju na teret budžetskih sredstava.

- **Blagoje Komar i dr. – S1 3 K 028697 18 KPS**

Sud je razmatrao i usvojio sporazum o priznanju krivnje i optuženima izrekao uvjetnu osudu kojom je optuženom Komar Blagoju za počinjeno krivično djelo krijumčarenje ljudi iz člana 189. stav 1. Krivičnog zakona Bosne i Hercegovine, u vezi s članom 28. Krivičnog zakona Bosne i Hercegovine. Sud je izrekao uvjetnu osudu kojom je optuženom utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ukoliko optuženi u roku od četiri (4) godine, od dana pravosnažnosti presude, ne počini novo krivično djelo. Sud je prema optuženom Marku Šekariću, za počinjeno krivično djelo krijumčarenje ljudi iz člana 189. stav 1. Krivičnog zakona Bosne i Hercegovine, u vezi s članom 28. Krivičnog zakona Bosne i Hercegovine, utvrdio kaznu zatvora u trajanju od dvije (2) godine i istovremeno određuje da se ova kazna neće izvršiti ukoliko optuženi u roku od pet (5) godina od dana pravosnažnosti presude ne počini novo krivično djelo. U slučaju opoziva uslovne osude i izvršenja utvrđenih kazni zatvora, optuženima će se, na osnovu člana 56. KZBiH uračunati vrijeme u kojem su bili lišeni slobode u vezi s ovim krivičnim djelom i to od 29.5.2018. godine do 31.5.2018. godine. Na osnovu člana 40. tačka c), 41. stav 4. i 46. KZBiH optuženima je kao sporedna kazna izrečena i novčana kazna i to: optuženom Blagoju Komaru u iznosu od 1.000,00 KM (hiljadu konvertibilnih maraka), a optuženom Marku Šekariću u iznosu od 2.000,00 KM (dvije hiljade konvertibilnih maraka). Novčane kazne optuženi su dužni platiti u roku od tri (3) mjeseca od dana pravosnažnosti presude. Ukoliko novčane kazne ne budu plaćene u ostavljenom roku, Sud će, u skladu s članom 47. KZBiH, donijeti posebno rješenje kojim će se novčane kazne zamijeniti kaznama zatvora i to tako što će se za svakih započelih 100,00 KM novčane kazne odrediti jedan dan zatvora. Ako optuženi isplate samo dio novčane kazne, ostatak će se srazmjerno pretvoriti u zatvor, a ako optuženi isplate ostatak novčane kazne, izvršenje zatvora će se obustaviti.

- **Armin Omeragić – S1 3 K 029018 18 Kps**

Sud je razmotrio kazneni nalog te izrekao presudu kojom je optuženi Armin Omeragić oglašen krivim za krivično djelo krijumčarenje ljudi iz člana 189. stav 2. Krivičnog zakona BiH. Sud je optuženom izrekao uvjetnu kaznu kojom se utvrđuje kazna zatvora u trajanju od šest (6) mjeseci i istovremeno određuje da se ova kazna neće izvršiti ako optuženi u roku od dvije (2) godine od dana pravosnažnosti ove presude ne počini novo krivično djelo. Kaznenim nalogom je prema optuženom izrečena i novčana kazna, kao sporedna kazna, u iznosu od 1.000,00 KM koju je optuženi dužan platiti u roku od tri (3) mjeseca od dana pravomoćnosti presude, a optuženom je oduzeta i imovinska korist pribavljena krivičnim djelom u iznosu od 50,00 EUR, te je obavezan na plaćanje troškova krivičnog postupka u vidu sudskog paušala u visini od 100,00 KM.

- **Nedeljko Racković – S1 3 K 029052 18 Kps**

Sud je na prijedlog Tužilaštva BiH, prihvatio i izdao kazneni nalog prema optuženom, kojem je za krivično djelo krijumčarenje ljudi iz člana 189. stav 2. KZBiH utvrđena krivnja te izrečena uslovna osuda kojom mu je izrečene kazna zatvora u trajanju od šest (6) mjeseci ukoliko u periodu od dvije (2) godine od pravomoćnosti presude ne počini novo krivično djelo. Optuženom je kaznenim nalogom izrečena i novčana kazna, kao sporedna kazna, u visini od 1.000,00 KM, a optuženi je obavezan i na troškove sudskog postupka i paušala u visini od 100,00 KM.

- **Ivan Goranović i dr. – S1 3 K 030430 18 Kps**

Sud je objavio presudu kojom su optuženi Goran Ivanović, Marko Samardžić i Zilhad Rastoder oglašeni krivim za krivično djelo krijumčarenje ljudi iz člana 189. stav 2. KZBiH, u vezi s članom 29. istog Zakona. Sud je optuženima izrekao uvjetnu osudu kojom je prema optuženom Goranu Ivanoviću utvrdio kaznu zatvora u trajanju od dvije (2) godine i istovremeno odredio da se ova kazna neće izvršiti ukoliko optuženi u roku od dvije (2) godine, od dana pravosnažnosti presude, ne počini novo krivično djelo; optuženom Marku Samardžiću kaznu zatvora u trajanju od jedne (1) godine i istovremeno odredio da se ova kazna neće izvršiti ukoliko optuženi u roku od dvije (2) godine od dana pravosnažnosti presude, ne počini novo krivično djelo; i optuženom Zilhadu Rastoderu kaznu zatvora u trajanju od jedne (1) godine i istovremeno odredio da se ova kazna neće izvršiti ukoliko optuženi u roku od dvije (2) godine od dana pravosnažnosti presude ne počini novo krivično djelo. Od optuženih su oduzeti predmeti i obavezani su na plaćanje troškova sudskog postupka. Sud je istovremeno donio rješenje kojim je prema optuženima ukinut pritvor.

- **Mewan Bapir Khoto – S1 3 K 030946 18 Kps**

Sud je u predmetu prihvatio sporazum o priznanju krivnje zaključen između Tužilaštva BiH s jedne strane i optuženog i njegovog branioca s druge, te je donio presudu kojom je optuženi oglašen krivim za krivično djelo krijumčarenje ljudi iz člana 189. stav 1. KZBiH, te mu je, kao glavnu, izrekao uvjetnu osudu kojom mu je utvrđena kazna zatvora u trajanju od jedne (1) godine koja se neće izvršiti ukoliko optuženi u roku od dvije (2) godine ne počini novo krivično djelo. Istom presudom optuženom je izrečena i novčana kazna, kao sporedna kazna, u visini od 10.000,00 KM, te je isti obavezan i na plaćanje troškova krivičnog postupka. Presudom je pravnom licu (Rent-a-Car agenciji iz Štutgarta, SR Njemačka) vraćeno putničko motorno vozilo kojim je izvršeno krivično djelo.

- **Rasouli Kamran – S1 3 K 030884 18 Kps**

Sud je prihvatio zaključeni sporazum o priznanju krivnje zaključen između Tužilaštva BiH s jedne strane i optuženog i njegovih branilaca s druge strane, te je donio i javno objavio presudu kojom je optuženi oglašen krivim za krivično djelo krijumčarenje ljudi iz člana 189. stav 1. KZBiH u vezi s članom 26. istog Zakona, te mu je za počinjeno krivično djelo izrečena kazna zatvora u trajanju od tri (3) mjeseca. Presudom je optuženom vraćeno privremeno oduzeto pmv, te je obavezan na plaćanje troškova krivičnog postupka koji će se utvrditi naknadno pri pribavljanju potrebnih podataka.

- **Tarik Mašić – S1 3 K 026969 18 K**

Sud je u predmetu Tarik Mašić prihvatio sporazum o priznanju krivnje, te donio presudu kojom je optuženi oglašen krivim za krivično djelo krijumčarenje ljudi iz člana 189. stav 2. Sud je optuženom izrekao uvjetnu osudu kojom mu je utvrđena kazna zatvora u trajanju od jedne (1) godine, koja se neće izvršiti ukoliko optuženi u roku do tri (3) godine od pravomoćnosti presude ne počini novo krivično djelo. Presudom je optuženom izrečena mjera sigurnosti oduzimanja predmeta (mobilnog telefona), te je isti obavezan na plaćanje troškova sudskog paušala u visini od 50,00 KM. Presudom je oštećenom pravnom licu „Nur Trade“ d.o.o. Mostar vraćeno privremeno oduzeto putničko motorno vozilo s pripadajućim ključem za pogon motora i popratnom dokumentacijom.

- **Branko Gavrilović – S1 3 K 026092 18 K**

Sud je u ovom predmetu, nakon održanog ročišta za razmatranje sporazuma o priznanju krivnje i izricanje krivičnopravne sankcije, izrekao presudu kojom je optuženi Branko Gavrilović oglašen krivim za krivično djelo krijumčarenje ljudi iz člana 189. stav 1. KZBiH u vezi s članom 29. KZBiH. Sud je optuženom Branku Gavriloviću izrekao uvjetnu osudu kojom je utvrđena kazna zatvora u trajanju od jedne (1) godine, koja se neće izvršiti ako optuženi u roku od tri (3) godine od dana pravosnažnosti presude ne počini novo krivično djelo.

- **Altuntas Firat – S1 3 K 029066 18 K**

Sud je u predmetu • Altuntas Firat nakon održanog ročišta za razmatranje sporazuma o priznanju krivnje i izricanje krivičnopravne sankcije, dana 9.11.2018. godine, objavio presudu kojom je optuženi oglašen krivim za krivično djelo krijumčarenje ljudi iz člana 189. stav 1. KZBiH, u vezi s članom 26. KZBiH. Sud je optuženog Altuntasa Firata osudio na kaznu zatvora u trajanju od četiri (4) mjeseca. Na osnovu člana 110, 110.a i 111. KZBiH, od optuženog Altuntasa Firata oduzeta je imovinska korist stečena krivičnim djelom, i to iznos od 97,79 KM koji će se nakon pravosnažnosti presude uplatiti u korist budžeta. Na osnovu člana 188. stav 4. ZKPBiH, optuženi Altuntas Firat je oslobođen obaveze naknade troškova krivičnog postupka, pa isti padaju na teret budžetskih sredstava.

- **Hrustan Duraković – S1 3 K 030851 18 K**

Sud je prihvatio predloženi sporazum o priznanju krivnje zaključen između Tužilaštva BiH s jedne i optuženog i njegovog branioca s druge strane, te je donio presudu kojom je optuženi za počinjeno krivično djelo krijumčarenje ljudi iz člana 189. stav 1. u vezi s članom 29. KZBiH oglašen krivim te mu je izrečena uvjetna osuda kojom mu je utvrđena kazna zatvora u trajanju od godine (1), a koja se neće izvršiti ukoliko optuženi u roku od tri (3) godine ne počini novo krivično djelo. Presudom je od optuženog oduzeto vozilo koje je služilo kao sredstvo izvršenja krivičnog djela, te je isti oslobođen plaćanja troškova krivičnog postupka.

- **Mahir Nuhić – S1 3 K 026940 18 K**

Sud je izrekao prvostepenu presudu kojom je optuženi Mahir Nuhić oglašen krivim za krivično djelo krijumčarenje ljudi. Osuđen je na uvjetnu osudu kojom mu je za počinjeno krivično djelo utvrđena kazna zatvora u trajanju od šest (6) mjeseci, a koja se neće izvršiti ako optuženi u roku od jedne (1) godine, od dana pravomoćnosti presude, ne počini novo krivično djelo. Presudom su optuženom vraćeni privremeno oduzeti predmeti, i to putničko motorno vozilo s pripadajućim ključem i dokumentacijom, mobilni telefon sa pripadajućom SIM karticom, kao i novac u iznosu od 200,00 EUR, dok je optuženi obavezan na plaćanje troškova krivičnog postupka u iznosu od 182,50 KM.

- **Hamed Raygan – S1 3 K 030808 18 Kps**

Sud je prihvatio sporazum o priznanju krivnje i donio presudu kojom je optuženog oglasio krivim za krivično djelo krijumčarenje ljudi iz člana 189. stav 2. KZBiH, te mu za počinjeno krivično djelo izrekao kaznu zatvora u trajanju od šest (6) mjeseci, u koju kaznu je uračunato vrijeme koje je optuženi proveo u pritvoru. Presudom je od optuženog oduzeta protupravna imovinska korist u iznosu od 150,00 EUR, a optuženi je oslobođen plaćanja troškova krivičnog postupka.

- **Dženis Maslo – S1 3 K 030382 18 Kps**

Sud je u predmetu prihvatio predloženi sporazum o priznanju krivnje pa je optuženog oglasio krivim za počinjeno krivično djelo krijumčarenje ljudi iz člana 189. stav 1. u vezi s članom 31. istog Zakona. Sud je optuženom izrekao uvjetnu osudu kojom mu je utvrdio kaznu zatvora u trajanju od osam (8) mjeseci, koja se neće izvršiti ukoliko optuženi u roku od dvije (2) godine od pravomoćnosti presude ne počini novo krivično djelo. Presudom je od optuženog oduzeta imovinska korist u visini od 100,00 KM, te je optuženi oslobođen plaćanja troškova krivičnog postupka.

- **Jonuz Gurde – S1 3 K 031157 19 K2**

Sud je razmotrio i usvojio sporazum o priznanju krivnje u krivičnom predmetu protiv optuženog Jonuz Gurde, te je izrekao presudu kojom je optuženi Jonuz Gurde oglašen krivim za krivično djelo krijumčarenje ljudi iz člana 189. stav 4. u vezi sa stavom 1. KZBiH. Sud je optuženom izrekao kaznu zatvora u trajanju od jedne (1)

godine. Na osnovu člana 56. stav 1. KZBiH optuženom se u izrečenu kaznu zatvora uračunava vrijeme koje je proveo u pritvoru. Također, Sud je donio rješenje kojim je optuženom produžen pritvor koji po ovom rješenju može trajati do upućivanja optuženog na izdržavanje kazne zatvora, a najduže devet (9) mjeseci od dana izricanja prvostepene presude, s tim da pritvor ne može trajati duže od izrečene kazne zatvora. Žalba protiv ovog rješenja ne zadržava njegovo izvršenje.

- **Mirza Forto – S1 3 K 030395 18 K**

Sud je prihvatio sporazum o priznanju krivnje, te donio i javno objavio presudu kojom je optuženi Mirza Forto oglašen krivim za krivično djelo krijumčarenje ljudi iz člana 189. stav 2. KZBiH, te mu je izrečena uvjetna osuda kojom mu je utvrđena kazna zatvora u trajanju od jedne (1) godine koja se neće izvršiti ukoliko optuženi u roku od dvije (2) godine od pravomoćnosti presude ne počini novo krivično djelo. Presudom je od optuženog trajno oduzet mobilni telefon koji je korišten pri izvršenju krivičnog djela s pripadajućom SIM karticom, te je isti obavezan da snosi troškove krivičnog postupka u iznosu od 100,00 KM.

- **Al-Ali Ali Muhyi Husein – S1 3 K 030846 19 K**

Sud je nakon razmatranja i prihvatanja sporazuma o priznanju krivnje 19.4.2019. godine izrekao presudu kojom je optuženi Al-Ali Ali Muhyi Husein oglašen krivim za krivično djelo krijumčarenje ljudi iz člana 189. stav 1. KZBiH, te osuđen na kaznu zatvora u trajanju od jedne (1) godine. Optuženom je oduzeta imovinska korist u iznosu od 500,00 EUR. Sud je u odnosu na optuženog istog dana donio rješenje o produženju pritvora koji prema ovom rješenju može trajati do pravomoćnosti presude, a najduže do upućivanja optuženog na izdržavanje kazne ili do nove odluke Suda.

- **Emir Ajanović – S1 3 K 031938 19 Kps**

Sud je nakon ročišta za izricanje kaznenog naloga donio presudu kojom je optuženi Emir Ajanović oglašen krivim za krivično djelo krijumčarenje ljudi iz člana 189. stav 2. Krivičnog zakona BiH. Sud je optuženom izrekao uvjetnu osudu kojom mu je utvrđena kazna zatvora u trajanju od šest (6) mjeseci, koja se neće izvršiti ako optuženi u roku od dvije (2) godine od dana pravosnažnosti presude ne počini novo krivično djelo. Istovremeno, optuženom je izrečena novčana kazna u iznosu od 750,00 KM koju je dužan platiti u roku od 30 (trideset) dana od dana pravosnažnosti presude, a ukoliko djelimično ili u cijelosti optuženi ne plati izrečenu novčanu kaznu u datom roku, na osnovu odredbi člana 47. KZBiH, novčana kazna će se zamijeniti kaznom zatvora, tako što će se za svakih započelih 100 (sto) KM novčane kazne odrediti jedan dan zatvora, s tim da zatvor u tom slučaju ne može biti duži od jedne godine. Na osnovu člana 110. KZBiH, od optuženog je oduzeta imovinska korist stečena krivičnim djelom u iznosu od 20 EUR, koji je optuženi dužan uplatiti u protuvrijednosti konvertibilne marke na dan uplate, u roku od 30 (trideset) dana od dana pravosnažnosti presude. Na osnovu

člana 188. stav 1. ZKPBiH, optuženi Emir Ajanović je obavezan da snosi troškove krivičnog postupka, čiju visinu će Sud odrediti posebnim rješenjem nakon pribavljanja relevantnih podataka.

- **Slobodan Bošković – S1 3 K 031919 19 Kps**

Sud je, nakon razmatranja i prihvatanja sporazuma o priznanju krivnje, donio presudu kojom je optuženi Slobodan Bošković oglašen krivim za krivično djelo krijumčarenje ljudi iz člana 189. stav 1. KZBiH i osuđen na kaznu zatvora u trajanju od jedne (1) godine. Na osnovu člana 57. stav 1. KZBiH, optuženom će se u izrečenu kaznu zatvora uračunati vrijeme provedeno u pritvoru. Na osnovu članova 110, 111. i 392. KZBiH od optuženog je oduzeta imovinska korist pribavljena izvršenjem krivičnog djela i to novčani iznos od 100,00 EUR. Sud je također donio rješenje kojim je prema optuženom Slobodanu Boškoviću produžen pritvor koji po ovom rješenju može trajati do upućivanja optuženog na izdržavanja kazne zatvora, a najduže devet (9) mjeseci od dana izricanja prvostepene presude, s tim da pritvor ne može trajati duže od izrečene kazne zatvora.

- **Stefan Kozak – S1 3 K 032689 19 Kps**

Sud je 19.7.2019. godine donio presudu kojom je optuženi Stefan Kozak oglašen krivim za krivično djelo krijumčarenje ljudi iz člana 189. stav 1. Krivičnog zakona BiH u vezi s članom 26. istog Zakona. Sud je optuženom izrekao kaznu zatvora u trajanju od tri (3) mjeseca.

- **Dragan Alić – S1 3 K 030471 19 K**

Sud je u predmetu prihvatio zaključeni sporazum, te je, u skladu sa istim, optuženom za počinjeno krivično djelo krijumčarenje ljudi iz člana 189. stav 1. KZBiH izrekao uvjetnu osudu kojom je optuženom Draganu Aliću utvrdio kaznu zatvora u trajanju od dvije (2) godine i istovremeno odredio da se utvrđena kazna neće izvršiti ukoliko optuženi u roku tri (3) godine od dana pravosnažnosti presude ne počini novo krivično djelo. Istom presudom, određeno je da se od optuženog oduzima i protupravno stečena imovinska korist u iznosu od 20,00 EUR i to na način da se optuženi obavezuje da u roku od 30 dana od dana pravosnažnosti presude, protuvrijednost navedenog iznosa u konvertibilnim markama uplati u budžet BiH. Sud je istovremeno donio rješenje kojim je prema optuženom Draganu Aliću ukinut pritvor.

- **Nedžib Đono – S1 3 K 026354 18 K**

Sud je donio presudu kojom je optuženi Nedžib Đono oglašen krivim za krivično djelo krijumčarenje ljudi iz člana 189. stav 2. KZBiH, u vezi s članom 29. istog Zakona. Sud je optuženom izrekao uvjetnu osudu kojom je određena kazna zatvora u trajanju od jedne (1) godine i šest (6) mjeseci i, istovremeno, određeno da se ova kazna neće izvršiti ako optuženi u roku od dvije (2) godine, od dana pravosnažnosti presude, ne počini novo krivično djelo. Na osnovu člana 188. stav

1. ZKPBiH, optuženi je obavezan na plaćanje paušalnih troškova krivičnog postupka u iznosu od 100,00 KM koje je dužan platiti u roku od 15 dana od dana pravosnažnosti presude, dok je na osnovu člana 188. stav 4. istog Zakona oslobođen dužnosti na naknadu ostalih troškova krivičnog postupka.

- **Shirwan Naseh Ismail – S1 3 K 032029 19 K**

Sud je nakon održanog ročišta radi razmatranja sporazuma o priznanju krivnje i pretresa za izricanje krivičnopravne sankcije, donio presudu kojom je optuženi Shirwan Naseh Ismail oglašen krivim za krivično djelo krijumčarenje ljudi iz člana 189. stav 1. KZBiH u vezi s članom 26. istog Zakona, i izrekao bezuvjetnu kaznu zatvora u trajanju 8 (osam) mjeseci. Sud je također donio rješenje kojim je prema optuženom produžen pritvor koji, po ovom rješenju, može trajati do upućivanja optuženog na izdržavanje kazne zatvora, a najduže devet (9) mjeseci od dana izricanja prvostepene presude, s tim da pritvor ne može trajati duže od izrečene kazne zatvora.

- **Davor Počanić – S1 3 K 032337 19 Kps**

Sud BiH je nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije donio presudu kojom je optuženi Davor Počanić oglašen krivim za krivično djelo krijumčarenje ljudi iz člana 189. stav 2. u vezi sa stavom 4. Krivičnog zakona Bosne i Hercegovine. Sud mu je na osnovu zaključenog sporazuma o priznanju krivnje izrekao kaznu zatvora u trajanju od jedne (1) godine. Optuženom se u izrečenu kaznu zatvora uračunava vrijeme koje je proveo pritvoru, počev od 27.4.2019. godine. Sud je optuženom, kao sporednu, izrekao novčanu kaznu u iznosu od 5.000,00 KM koju je optuženi dužan platiti u roku 30 dana od dana pravosnažnosti presude. Nakon izricanja presude, Sud je donio rješenje kojim se utvrđuje da i dalje postoje okolnosti koje opravdavaju primjenu mjere pritvora prema optuženom Davoru Počaniću koja po ovom rješenju može trajati do upućivanja optuženog na izdržavanja kazne zatvora, a najduže devet (9) mjeseci od dana izricanja prvostepene presude, s tim da pritvor ne može trajati duže od izrečene kazne zatvora.

- **Mijo Čondrić – S1 3 K 030434 19 K**

Sud je donio presudu kojom je optuženi Mijo Čondrić oglašen krivim za krivično djelo krijumčarenje ljudi iz člana 189. stav 2. KZBiH. Sud je optuženom Čondriću izrekao uvjetnu osudu kojom je utvrđena kazna zatvora u trajanju od šest (6) mjeseci i određeno da se kazna neće izvršiti ako optuženi u roku od jedne (1) godine, od dana pravosnažnosti presude, ne počini novo krivično djelo.

- **Faruk Čosić i dr. – S1 3 K 029677 19 K**

Sud je donio presudu kojom su optuženi Faruk Čosić i optužena Dika Emirhafizović oglašeni krivim za krivično djelo krijumčarenje ljudi iz člana 189. stav 2. KZBiH. Sud je optuženima izrekao uvjetnu osudu kojom je utvrđena kazna zatvora u

trajanju od po šest (6) mjeseci i istovremeno određeno da se utvrđena kazna zatvora neće izvršiti ako optuženi u roku od dvije (2) godine od dana pravosnažnosti presude ne počine novo krivično djelo. Na osnovu člana 189. stav 6. KZBiH od optuženog Faruka Čosića trajno su oduzeti predmeti upotrijebljeni za izvršenje krivičnog djela. Od optužene Dike Emirhafizović na osnovu člana 189. stav 6. KZBiH trajno su oduzeti predmeti upotrijebljeni za počinjenje krivičnog djela. Na osnovu člana 188. stav 1. ZKPBiH, optuženi su obavezani da naknade troškove krivičnog postupka, čiju visinu će Sud nakon pribavljanja relevantnih podataka utvrditi posebnim rješenjem.

- **Luka Milićević – S1 3 K 031608 19 K**

Sud je donio presudu kojom je optuženi Luka Milićević oglašen krivim za krivično djelo krijumčarenje ljudi iz člana 189. stav 2. u vezi s članom 26. KZBiH. Sud je optuženom izrekao uvjetnu osudu kojom je utvrđena kazna zatvora u trajanju od jedne (1) godine, koja se neće izvršiti ako optuženi u roku od dvije (2) godine, od dana pravosnažnosti presude, ne počini novo krivično djelo.

- **Ahmed Assaad – S1 3 K 029137 19 K**

Sud je, nakon prihvatanja sporazuma i održanog pretresa za izricanje krivičnopravne sankcije, donio presudu kojom je optuženi Ahmed Assaad oglašen krivim za krivično djelo krijumčarenje ljudi iz člana 189. stav 4. Krivičnog zakona BiH, u vezi sa stavom 2. istog Zakona. Sud ga je osudio na kaznu zatvora u trajanju od jedne (1) godine. Optuženom je izrečena mjera sigurnosti oduzimanja predmeta na način da su od optuženog oduzeti predmeti koji su na bilo koji način, u cjelini ili djelimično, upotrijebljeni ili su bili namijenjeni da budu upotrijebljeni za počinjenje predmetnog krivičnog djela. Na osnovu člana 110. Krivičnog zakona BiH od optuženog je oduzeta imovinska korist stečena krivičnim djelom. U skladu s članom 198. stav 2. Zakona o krivičnom postupku BiH, oštećeni je upućen na parnični postupak sa ciljem ostvarivanja imovinskopravnog zahtjeva. Na osnovu člana 188. stav 1. Zakona o krivičnom postupku Bosne i Hercegovine, optuženi je obavezan da naknadi troškove krivičnog postupka.

- **Gabriel-Sorin Stancu – S1 3 K 033311 19 Kps**

Sud je, nakon prihvatanja sporazuma o priznanju krivnje i održanog pretresa za izricanje krivičnopravne sankcije, izrekao presudu kojom je optuženi Gabriel-Sorin Stancu oglašen krivim za krivično djelo krijumčarenje ljudi iz člana 189. stav 1. KZBiH. Sud je optuženom izrekao uvjetnu osudu kojom je utvrđena kazna zatvora u trajanju od jedne (1) godine i istovremeno određeno da se ista neće izvršiti ukoliko optuženi u roku od tri (3) godine od dana pravomoćnosti presude ne počini novo krivično djelo. Sud je kao sporednu kaznu izrekao novčanu kaznu u iznosu od 5.000,00 KM koju je optuženi dužan platiti u roku od 30 (trideset) dana od dana pravomoćnosti presude. Ukoliko optuženi ne plati djelimično ili u cijelosti izrečenu novčanu kaznu u datom roku, na osnovu odredbi člana 47. KZBiH, novčana kazna će se zamijeniti kaznom zatvora tako što će se za svakih započelih, a neplaćenih

100,00 KM novčane kazne, odrediti jedan dan zatvora, s tim da zatvor u tom slučaju ne može prekoračiti propisanu kaznu za predmetno krivično djelo. Vrijeme koje je optuženi proveo u pritvoru će se uračunati u izrečenu kaznu zatvora. Na osnovu člana 110. i 111. KZBiH od optuženog je oduzeta imovinska korist stečena krivičnim djelom.

- **Ali Tariq – S1 3 K 031036 19 K**

Sud je donio presudu kojom je optuženi Ali Tariq oslobođen od optužbe da je počinio krivično djelo krijumčarenje iz člana 189. stav 5. u vezi sa stavom 1. KZBiH. Sud je također donio rješenje kojim je prema optuženom ukinut pritvor.

- **Cicio Danut Ovidel i dr. – S1 3 K 033685 19 Kps**

Sud je nakon prihvatanja sporazuma o priznanju krivnje sklopljenog između optuženih Cicija Danuta Ovidela i Cozma Denisa-Danieli i Tužilaštva BiH donio presudu kojom je optužene oglasio krivim zbog krivičnog djela krijumčarenje ljudi iz člana 189. stav 1. KZBiH u vezi s članom 26. stav 1. KZBiH, te im je izrekao uvjetnu osudu kojom su utvrđene kazne zatvora u trajanju od po dvije godine i istovremeno određeno da se utvrđene kazne neće izvršiti ukoliko optuženi u roku od tri godine, od dana pravosnažnosti presude, ne počine novo krivično djelo. Istovremeno, optuženima su, kao sporedne izrečene novčane kazne i to: optuženom Ciciju Danutu Ovidelu novčana kazna u iznosu od 10.000,00 KM, a optuženoj Cozmi Denisa-Danieli novčana kazna u iznosu od 8.000,00 KM. Sud je također donio rješenje kojim je prema optuženima ukinut pritvor.

- **Polina Gospodinova – S1 3 K 033271 19 KPS**

Sud je nakon prihvatanja sporazuma o priznanju krivnje i izricanja krivičnopravne sankcije, izrekao presudu kojom je optužena Polina Gospodinova oglasena krivom za krivično djelo krijumčarenje ljudi iz člana 189. stav 1. KZBiH u vezi s članom 26. istog Zakona. Sud je optuženoj izrekao kaznu zatvora u trajanju od četiri (4) mjeseca. Vrijeme koje je optužena provela u pritvoru će se uračunati u izrečenu kaznu zatvora. Sud je kao sporednu izrekao novčanu kaznu u iznosu od 3.000,00 KM, koju je optužena dužna platiti u roku od 15 (petnaest) dana od dana pravosnažnosti presude. Ukoliko optužena djelimično ili u cijelosti ne plati izrečenu novčanu kaznu u datom roku, na osnovu odredbi člana 47. KZBiH, novčana kazna će se zamijeniti kaznom zatvora tako što će se za svakih započelih 100 (sto) KM novčane kazne odrediti jedan dan zatvora, s tim da zatvor u tom slučaju ne može biti duži od jedne godine. Sud je također donio rješenje kojim je produžen pritvor nakon izricanja presude, a koji po ovom rješenju može trajati do upućivanja optužene na izdržavanje kazne zatvora, a najduže devet (9) mjeseci od dana izricanja prvostepene presude, tj. od 21.11.2019. godine, s tim da pritvor ne može trajati duže od izrečene kazne zatvora.

- **Zendi Muhammed Muzafar i dr. – S1 3 K 033477 19 K**

Sud je, nakon prihvatanja sporazuma o priznanju krivnje, donio i javno objavio presudu kojim se optuženi Muzafar Muhammed Zendi, Babat Hadi i Karwan Mohamad Kadr oglašavaju krivim za krivična djela (prvooptuženi i drugooptuženi) krijumčarenje ljudi iz člana 189. stav 2. KZBiH, odnosno krijumčarenje ljudi iz člana 189. stav 1. u vezi s članom 26. istog Zakona (trećeoptuženi), te su im izrečene zatvorske kazne od po pet mjeseci zatvora za prvooptuženog i drugooptuženog, odnosno šest mjeseci za trećeoptuženog. Presudom je u izrečene kazne zatvora uračunato vrijeme koje su optuženi proveli u pritvoru, te su im izrečene i mjere sigurnosti oduzimanja predmeta, a oduzeta im je i imovinska korist pribavljena krivičnim djelom. Optuženima je posebnim rješenjem produžena mjera pritvora nakon izricanja presude, koja može trajati najduže do izrečene kazne zatvora.

- **Murat Erbil i dr. – S1 3 K 033255 19 K**

Sud je nakon razmatranja i prihvatanja sporazuma o priznanju krivnje donio presudu kojom je optuženi Murat Erbil oglašen krivim za krivično djelo krijumčarenje ljudi iz člana 189. stav 4. u vezi sa stavom 2., a sve u vezi s članom 54. KZBiH, a optuženi Sahin Sefa za krivično djelo krijumčarenje ljudi iz člana 189. stav 2. KZBiH. Sud je optuženom Muratu Erbilu izrekao kaznu zatvora u trajanju od jedne (1) godine i dva (2) mjeseca, a optuženom Sahin Sefi uvjetnu osudu kojom je utvrđena kazna zatvora u trajanju od dvije (2) godine i istovremeno određeno da se kazna neće izvršiti ako optuženi u roku od četiri (4) godine, od dana pravosnažnosti presude, ne počini novo krivično djelo. Sud je također donio rješenje kojim je optuženom Muratu Erbilu produžio pritvor koji po ovom rješenju može trajati do upućivanja optuženog na izdržavanje kazne zatvora, a najduže devet (9) mjeseci od dana izricanja prvostepene presude, s tim da pritvor ne može trajati duže od izrečene kazne zatvora.

- **Alen Aleta – S1 3 K 030779 19 K**

Sud je u ovom predmetu razmotrio i prihvatio sporazum o priznanju krivnje te izrekao presudu kojom je optuženi Alen Aleta oglašen krivim za krivično djelo krijumčarenje ljudi iz člana 189. stav 2. KZBiH. Sud je optuženom izrekao uvjetnu osudu kojom je utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ukoliko optuženi u roku od dvije (2) godine, od dana pravosnažnosti ove presude ne počini novo krivično djelo. Na osnovu člana 110. KZBiH od optuženog Alena Alete je oduzeta imovinska korist stečena krivičnim djelom u iznosu od 400,00 EUR, a koji iznos će se po pravosnažnosti presude uplatiti u budžet BiH.

- **Dalibor Milinković – S1 3 K 028606 19 K**

Sud je nakon održanog pretresa za razmatranje sporazuma o priznanju krivnje i pretresa za izricanje krivičnopravne sankcije izrekao presudu kojom je optuženi Dalibor Milinković oglašen krivim za krivično djelo krijumčarenje ljudi iz člana 189.

stav 2. u vezi sa stavom 4. KZBiH. Sud je optuženom Daliboru Milinkoviću izrekao kaznu zatvora u trajanju od jedne (1) godine. Od optuženog su oduzeti predmeti i obavezan je da nadoknadi troškove krivičnog postupka.

- **Edževit Salijević – S1 3 K 031194 19 K**

Sud je donio presudu kojom je optuženi Edževit Salijević oglašen krivim za krivično djelo krijumčarenje ljudi iz člana 189. stav 2. KZBiH. Sud je optuženom izrekao uvjetnu osudu kojom je utvrđena kazna zatvora u trajanju od osam (8) mjeseci. Istovremeno je određeno da se izrečena kazna neće izvršiti ukoliko optuženi u roku od jedne (1) godine i šest (6) mjeseci, od dana pravosnažnosti presude, ne počini novo krivično djelo.

- **Ruzmir Bajraktarević – S1 3 K 032937 19 K**

Sud je nakon razmatranja i prihvatanja sporazuma o priznanju krivnje izrekao presudu kojom je optuženi Ruzmir Bajraktarević oglašen krivim za krivično djelo krijumčarenje ljudi iz člana 189. stav 2. u vezi s članom 26. KZBiH. Sud je optuženom Bajraktareviću izrekao uvjetnu osudu kojom je utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ako optuženi u roku od tri (3) godine od dana pravomoćnosti ove presude ne počini novo krivično djelo.

- **Jakov Šušnjar – S1 3 K 033538 19 K**

Sud je nakon razmatranja i prihvatanja sporazuma o priznanju krivnje izrekao presudu kojom je optuženi Jakov Šušnjar oglašen krivim za krivično djelo krijumčarenje ljudi. S tim u vezi, Sud je optuženom izrekao uvjetnu osudu kojom se utvrđuje kazna zatvora u trajanju od osam mjeseci, a koja se neće izvršiti ukoliko optuženi u periodu od dvije godine od dana pravosnažnosti presude, ne počini novo krivično djelo. Kao sporednu kaznu, Sud je optuženom izrekao novčanu kaznu u iznosu od 1.400,00 KM. U odnosu na optuženog, Sud je donio rješenje kojim se produžavaju mjere zabrane putovanja i napuštanja boravišta.

- **Usman-Ali Maqsood-Ahmed i dr. – S1 2 K 031934 19 Ko**

Sud je nakon održanog pretresa za razmatranje sporazuma o priznanju krivnje i ročišta za izricanje krivičnopravne sankcije donio presudu kojom je optuženi Usman-Ali Maqsood-Ahmed oglašen krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 1. KZBiH, u vezi sa krivičnim djelom krijumčarenje ljudi iz člana 189. stav 1. i 2. KZBiH, sve u vezi s članom 54. KZBiH i osuđen na kaznu zatvora u trajanju od tri (3) godine. Na osnovu člana 56. KZBiH, u izrečenu kaznu zatvora će se uračunati vrijeme koje je optuženi proveo u pritvoru, počev od 9.10.2018. godine pa nadalje. Sud je optuženom kao sporednu kaznu izrekao novčanu kaznu u iznosu od 7.728,00 KM koju je optuženi dužan platiti u roku od šest (6) mjeseci od dana pravomoćnosti presude. Ukoliko optuženi, u ostavljenom

roku, ne plati navedenu novčanu kaznu, Sud će, u skladu s članom 47. stav 3. KZBiH, istu zamijeniti kaznom zatvora, tako što će se za svakih započelih, a neplaćenih 100 (stotinu) KM novčane kazne odrediti jedan dan zatvora, s tim da zatvor ne može prekoračiti propisanu kaznu za navedeno djelo. Na osnovu člana 74. KZBiH od optuženog su oduzeti predmeti upotrebljeni za izvršenje krivičnog djela. Na osnovu odredbi člana 188. stav 1. u vezi s članom 186. stav 2. ZKPBiH, optuženi je obavezan na plaćanje troškova krivičnog postupka. Sud je također donio rješenje kojim je produžen pritvor koji po ovom rješenju može trajati najduže devet (9) mjeseci, odnosno do 15.12.2019. godine ili do nove odluke Suda, a najduže do isteka trajanja izrečene kazne zatvora, a po osnovu člana 132. stav 1. tačka a) ZKPBiH.

- **Nikola Hrstić i dr. – S1 2 K 027419 18 K**

Sud je razmotrio i prihvatio sporazume o priznanju krivnje zaključene između optuženih Nikole Hrstića, Ljubu Prlića i Zdravka Kordića te objavio presudu kojom je optuženi Nikola Hrstić oglašen krivim da je na način opisan pod tačkama 1, 2, 3, 4, 5, 6, 7. i 8. izreke presude, počinio krivično djelo udruživanje radi činjenja krivičnih djela iz člana 249. stav 1. KZBiH i krivično djelo krijumčarenje ljudi, iz člana 189. stav 1. KZBiH, u vezi s članom 53. KZBiH; optuženi Zdravko Kordić, na način opisan pod tačkama 1, 2, 3. i 8. izreke presude, i Ljubo Prlić, na način opisan pod tačkama 2, 3, 6. i 7. izreke presude, počinili krivično djelo udruživanje radi činjenja krivičnih djela iz člana 249. stav 2. u vezi sa stavom 1. KZBiH i krivično djelo krijumčarenje ljudi, iz člana 189. stav 1. KZBiH, u vezi s članom 53. KZBiH. Sud je optuženom Nikoli Hrstiću, za krivično djelo udruživanje radi činjenja krivičnih djela iz člana 249. stav 1. KZBiH, utvrdio kaznu zatvora u trajanju od jedne (1) godine i sedam (7) mjeseci, za krivično djelo krijumčarenje ljudi, iz člana 189. stav 1. KZBiH, u vezi s članom 54. KZBiH, kaznu zatvora u trajanju od jedne (1) godine i sedam (7) mjeseci, te mu je primjenom odredbi člana 53. KZBiH, izrekao jedinstvenu kaznu zatvora u trajanju od dvije (2) godine i deset (10) mjeseci. Sud je optuženim Zdravku Kordiću i Ljubi Prliću, za krivično djelo udruživanje radi činjenja krivičnih djela iz člana 249. stav 2. KZBiH, u vezi sa stavom 1. KZBiH, utvrdio kaznu zatvora u trajanju od tri (3) mjeseca, za krivično djelo krijumčarenje ljudi, iz člana 189. stav 1. KZBiH, u vezi s članom 54. KZBiH, kaznu zatvora u trajanju od četiri (4) mjeseca, te im je primjenom odredbi člana 53. KZBiH izrekao jedinstvenu kaznu zatvora u trajanju od po šest (6) mjeseci. Na osnovu člana 110. i 111. KZBiH, od optuženih Nikole Hrstića, Zdravka Kordića i Ljube Prlića, oduzeta je imovinska korist pribavljena izvršenjem krivičnog djela – i to: od optuženog Nikole Hrstića – novčani iznos od 2.280,00 EUR, od optuženog Zdravka Kordića – novčani iznos od 730,00 EUR i od optuženog Ljube Prlića – novčani iznos od 880,00 EUR.

- **Anel Čomor i dr. – S1 2 K 032223 19 Ko**

Sud je, nakon što je razmotrio i prihvatio sporazum o priznanju krivnje, u predmetu donio presudu kojom su optuženi Anel Čomor, Adela Čomor i Anna Dumančić oglašeni krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH, u vezi s krivičnim djelom krijumčarenje ljudi iz člana 189. stav 1. i 2. KZBiH. Sud je optuženog Anela Čomora osudio na kaznu zatvora u trajanju od jedne (1) godine, a kao sporednu kaznu izrekao mu je novčanu kaznu u iznosu od 2.800,00 KM. Na osnovu odredbe člana 74. KZBiH, od optuženog se trajno oduzimaju predmeti upotrebljeni za izvršenje krivičnog djela. Na osnovu odredbi člana 188. stav 1. u vezi s članom 186. stav 2. ZKPBiH, optuženi je obavezan na plaćanje troškova krivičnog postupka, čiji će iznos Sud utvrditi posebnim rješenjem, po pribavljanju potrebnih podataka. Sud je optuženoj Adeli Čomor izrekao uvjetnu osudu kojom je optuženoj utvrđena kazna zatvora u trajanju od jedne (1) godine i istovremeno određeno da se ova kazna neće izvršiti, ako optužena u roku od tri (3) godine od dana pravomoćnosti presude ne počini novo krivično djelo. Na osnovu odredbe člana 74. KZBiH, od optužene se trajno oduzimaju predmeti upotrebljeni za izvršenje krivičnog djela. Na osnovu odredbi člana 188. stav 1. u vezi s članom 186. stav 2. ZKPBiH, optužena je obavezana na plaćanje troškova krivičnog postupka, čiji će iznos Sud utvrditi posebnim rješenjem, po pribavljanju potrebnih podataka. Sud je optuženoj Anni Dumančić izrekao uvjetnu osudu kojom je optuženoj utvrđena kazna zatvora u trajanju od jedne (1) godine i istovremeno određeno da se ova kazna neće izvršiti, ako optužena u roku od tri (3) godine od dana pravomoćnosti presude ne počini novo krivično djelo. Na osnovu odredbe člana 74. KZBiH, od optužene se trajno oduzimaju predmeti upotrebljeni za izvršenje krivičnog djela. Na osnovu odredbi člana 188. stav 1. u vezi s članom 186. stav 2. ZKPBiH, optužena je obavezana na plaćanje troškova krivičnog postupka, čiji će iznos Sud utvrditi posebnim rješenjem, po pribavljanju potrebnih podataka.

- **Raheem Javed – S1 2 K 033493 19 K**

Sud je nakon razmatranja i prihvatanja sporazuma o priznanju krivnje i ročišta za izricanje krivičnopravne sankcije izrekao presudu kojom je optuženi Raheem Javed oglašen krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189a. stav 2., u vezi sa krivičnim djelom krijumčarenje ljudi iz člana 189. stav 1. i 2. KZBiH. Sud je optuženom izrekao kaznu zatvora u trajanju od jedne (1) godine, a kao sporednu kaznu izrekao novčanu kaznu u iznosu od 2.000,00 KM kaznu koju je optuženi Raheem Javed dužan uplatiti u korist budžeta Bosne i Hercegovine u roku od 30 (trideset) dana od dana pravosnažnosti presude. Optuženi Raheem Javed je obavezan da nadoknadi troškove krivičnog postupka o čijoj će visini Sud odlučiti posebnim rješenjem nakon što pribavi potrebne podatke. Sud je također donio rješenje kojim prema optuženom Raheemu Javedu produžen pritvor koji po ovom rješenju može

trajati najduže devet mjeseci i to do 12.6.2020. godine ili do nove odluke Suda, a najduže do isteka trajanja izrečene kazne zatvora, a iz zakonskih razloga iz člana 132. stav 1. tačka a) ZKPBiH.

- **Jasmin Selimagić i dr. – S1 2 K 031082 19 K**

Sud je nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije donio i javno izrekao presudu kojom su optuženi Jasmin Selimagić, Milica Milićević, Igor Đurica i Drago Suvodolac oglašeni krivim i to: Jasmin Selimagić za krivično djelo udruživanje radi činjenja krivičnih djela iz člana 249. stav 1. KZBiH i krivično djelo krijumčarenje osoba iz člana 189. stav 2. KZBiH, a Milica Milićević, Igor Đurica i Drago Suvodolac krivično djelo udruživanje radi činjenja krivičnih djela iz člana 249. stav 2. KZBiH i krivično djelo krijumčarenje osoba iz člana 189. stav 2. KZBiH. Sud je optuženom Jasminu Selimagiću za krivično djelo udruživanje radi činjenja krivičnih djela iz člana 249. stav 1. KZBiH izrekao kaznu zatvora u trajanju od jedne (1) godine, a za krivično djelo krijumčarenje osoba iz člana 189. stav 2. KZBiH kaznu zatvora u trajanju od šest (6) mjeseci, te mu izrekao jedinstvenu kaznu zatvora u trajanju od jedne (1) godine i tri (3) mjeseca. Sud je optuženoj Milici Milićević za krivično djelo udruživanje radi činjenja krivičnih djela iz člana 249. stav 2. KZBiH izrekao novčanu kaznu u iznosu od 6.000,00 KM (šest hiljada konvertibilnih maraka), a za krivično djelo krijumčarenje osoba iz člana 189. stav 2. KZBiH uvjetnu osudu kojom je optuženoj Milici Milićević za počinjeno krivično djelo utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ako optužena u roku od četiri (4) godine od dana pravosnažnosti ove presude ne počini novo krivično djelo te izrekao jedinstvenu kaznu i to novčanu kaznu u iznosu od 6.000,00 KM (šest hiljada konvertibilnih maraka) i uvjetnu osudu kojom je optuženoj Milici Milićević utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ako optužena u roku od četiri (4) godine od dana pravosnažnosti ove presude ne počini novo krivično djelo. Sud je prema optuženom Igoru Đurici za krivično djelo udruživanje radi činjenja krivičnih djela iz člana 249. stav 2. KZBiH izrekao novčanu kaznu u iznosu od 4.000,00 KM (četiri hiljade konvertibilnih maraka) te za krivično djelo krijumčarenje osoba iz člana 189. stav 2. KZBiH izrekao uvjetnu osudu kojom je utvrđena kazna zatvora u trajanju od jedne (1) godine. Istovremeno je određeno da se ova kazna neće izvršiti ako optuženi u roku od četiri (4) godine od dana pravosnažnosti ove presude ne počini novo krivično djelo, te mu je Sud izrekao jedinstvenu novčanu kaznu u iznosu od 4.000,00 KM (četiri hiljade konvertibilnih maraka) i uvjetnu osudu kojom je optuženom Igoru Đurici utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ako optuženi u roku od četiri (4) godine od dana pravosnažnosti ove presude ne počini novo krivično djelo. Novčanu kaznu optuženi Igor Đurica je dužan uplatiti u korist budžeta Bosne i Hercegovine u četiri jednake mjesečne rate. Sud je optuženom Dragi Suvodolcu za krivično djelo udruživanje radi činjenja krivičnih djela iz člana

249. stav 2. KZBiH izrekao novčanu kaznu u iznosu od 1.000,00 KM (hiljadu konvertibilnih maraka), a za krivično djelo krijumčarenje osoba iz člana 189. stav 2. KZBiH uvjetnu osudu kojom je optuženom za počinjeno krivično djelo utvrđena kazna zatvora u trajanju od šest (6) mjeseci. Istovremeno je određeno da se ova kazna neće izvršiti ako optuženi u roku od dvije (2) godine od dana pravosnažnosti ove presude ne počini novo krivično djelo te mu je izrekao jedinstvenu novčanu kaznu u iznosu od 1.000,00 KM (hiljadu konvertibilnih maraka) i uvjetnu osudu kojom je optuženom Dragi Suvodolcu utvrđena kazna zatvora u trajanju od šest (6) mjeseci i istovremeno određeno da se ova kazna neće izvršiti ako optuženi u roku od dvije (2) godine od dana pravosnažnosti ove presude ne počini novo krivično djelo. Novčanu kaznu optuženi Drago Suvodolac je dužan uplatiti u korist budžeta Bosne i Hercegovine u roku od 30 (trideset) dana od dana pravosnažnosti presude.

- **Kani Kadir i dr. – S1 2 K 029387 19 K**

Sud je izvršio razdvajanje spisa S1 2 K 029387 19 K u odnosu na optuženu Edinu Zelić iz razloga nedostupnosti optužene. Također je održano ročište za razmatranje sporazuma o priznanju krivnje, zaključenih između optuženih Bejze Kara, Valentina Vidića, njihovih branilaca i Tužilaštva BiH. Sud je prihvatio sporazum koji se odnosi na Bejzu Karu, te objavio presudu, a odbacio sporazum koji se odnosi na Valentina Vidića. Sud je objavio presudu kojom je optužena Bejza Kara oglašena krivom da je počinila krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH i krivično djelo krijumčarenje ljudi iz člana 189. stav 1. KZBiH. Sud je optuženoj za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH kaznu zatvora u trajanju od šest (6) mjeseci za krivično djelo krijumčarenje osoba iz člana 189. stav 1. KZBiH kaznu zatvora u trajanju od osam (8) mjeseci. Sud je izrekao uvjetnu osudu kojom se optuženoj Bejzi Kari za počinjena krivična djela utvrđuje jedinstvena kazna zatvora u trajanju od jedne (1) godine i istovremeno određuje da se ova kazna neće izvršiti ako optužena u roku od dvije (2) godine od dana pravosnažnosti ove presude ne počini novo krivično djelo.

- **Aziz Husković – S1 2 K 033541 19 K**

Sud je u krivičnom predmetu nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio presudu kojom je optuženi Aziz Husković oglašen krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189a. stav 2. u vezi s krivičnim djelom krijumčarenje ljudi iz člana 189. stav 1. i 2. KZBiH. Sud je optuženom Azizu Huskoviću izrekao uvjetnu osudu kojom mu je utvrđena kazna zatvora u trajanju od šest (6) mjeseci i istovremeno određeno da se ova kazna neće izvršiti ako optuženi u roku od jedne (1) godine, od dana pravosnažnosti ove presude, ne počini novo krivično djelo.

- **Valentino Vidić – S1 2 K 033757 19 K**

Sud je u predmetu razmotrio i prihvatio sporazum o priznanju krivnje, te objavio presudu kojom je optuženi Valentino Vidić oglašen krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH i krivično djelo krijumčarenje ljudi iz člana 189. stav 1. KZBiH. Sud je optuženom za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189a. stav 2. KZBiH utvrdio kaznu zatvora u trajanju od pet (5) mjeseci, a za krivično djelo krijumčarenje osoba iz člana 189. stav 1. KZBiH kaznu zatvora u trajanju od tri (3) mjeseca, te mu je primjenom odredbi člana 152. stav 2. izrekao jedinstvenu kaznu zatvora u trajanju od šest (6) mjeseci. Vrijeme koje je optuženi proveo u pritvoru će se uračunati u izrečenu kaznu zatvora. Na osnovu odredbi članova 110. i 111. KZBiH, od optuženog Valentina Vidića je oduzeta imovinska korist pribavljena izvršenjem krivičnog djela u iznosu 507,00 KM, koji je optuženi dužan uplatiti u korist budžeta Bosne i Hercegovine u roku od 30 (trideset) dana od dana pravosnažnosti presude.

- **Sava Savić – S1 2 K 036726 20 Ko**

Sud je razmotrio i prihvatio kazneni nalog te izrekao presudu kojom je optuženi Sava Savić oglašen krivim za krivično djelo krijumčarenje iz člana 214. stav 1. KZBiH. Sud je optuženom izrekao uvjetnu osudu kojom je utvrđena kazna zatvora u trajanju od jedne (1) godine i istovremeno odredio da se ova kazna neće izvršiti, ako optuženi u roku od dvije (2) godine od dana pravomoćnosti presude ne počini novo krivično djelo.

- **Haris Helač – S1 2 K 036726 20 Ko**

Sud je nakon razmatranja i prihvatanja sporazuma o priznanju krivnje izrekao presudu kojom je optuženi Haris Helač oglašen krivim za krivično djelo krijumčarenje ljudi iz člana 189. stav 1. KZBiH u vezi s članom 26. istog Zakona. Sud je optuženom izrekao uvjetnu osudu kojom je utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ukoliko optuženi u roku od dvije (2) godine, od dana pravomoćnosti presude, ne počini novo krivično djelo. Sud je kao sporednu izrekao novčanu kaznu u iznosu od 1.000,00 KM koju je optuženi dužan platiti u roku šest mjeseci od dana pravomoćnosti presude. Ukoliko optuženi ne plati novčanu kaznu u ostavljenom roku, u skladu s odredbom člana 47. stav 3. KZBiH, ista će biti zamijenjena kaznom zatvora tako što će se za svakih započelih 100,00 (stotinu) KM novčane kazne odrediti jedan dan zatvora, s tim da ne može prekoračiti propisanu kaznu za to djelo.

- **Mladen Dugandžić – S1 3 K 030655 20 Kps**
 Sud je donio presudu kojom je optužen Mladen Dugandžić oglašen krivim za krivično djelo krijumčarenje ljudi iz člana 189. stav 2. u vezi s članovima 26. i 29. Krivičnog zakona Bosne i Hercegovine. Sud je optuženom Mladenu Dugandžiću izrekao uvjetnu osudu kojom je utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ukoliko optuženi u roku dvije (2) godine od dana pravosnažnosti presude, ne počini novo krivično djelo. Sud je donio rješenje kojim je prema optuženom Mladenu Dugandžiću ukinuta mjera pritvora.
- **Eta Agbor Donatus – (S1 2 K 039346 20 K)**
 Sud je donio i javno objavio presudu kojom je optuženi Eta Agbor Donatus oglašen krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. vezi sa krivičnim djelom krijumčarenje ljudi iz člana 189. stav 1. KZBiH i osuđen na kaznu zatvora u trajanju od 11 mjeseci. Sud je donio i rješenje kojim je prema optuženom ukinuta mjera pritvora.
- **Miće Cvetojević – S1 2 K 037184 20 Ko**
 Sud je prihvatio kazneni nalog i izrekao presudu kojom je optuženi Miće Cvetojević oglašen krivim za krivično djelo krijumčarenje iz člana 214. stav 1. KZBiH. Sud je izrekao uvjetnu osudu kojom je optuženom utvrđena kazna zatvora u trajanju od jedne (1) godine i istovremeno određeno da se ova kazna neće izvršiti, ako optuženi u roku od tri (3) godine od dana pravomoćnosti presude ne počini novo krivično djelo. Sud je optuženom kao sporednu kaznu izrekao novčanu kaznu u iznosu od 1.000,00 KM koju je dužan platiti u roku od 30 (trideset) dana od dana pravosnažnosti presude. U slučaju da se novčana kazna ne može u cijelosti platiti u roku koji je utvrđen ovom presudom, novčana kazna će se zamijeniti kaznom zatvora, u skladu s članom 47. KZBiH.
- **Ruvym Hlabets – S1 3 K 035462 20 K**
 Sud je donio presudu kojom je optuženi Ruvym Hlabets oglašen krivim za počinjenje krivičnog djela krijumčarenje ljudi iz člana 189. stav 2. KZBiH i osuđen na kaznu zatvora u trajanju od osam (8) mjeseci. Sud je donio rješenje kojim je produžen pritvor koji po ovom rješenju može trajati do upućivanja optuženog na izdržavanje kazne zatvora, a najduže devet (9) mjeseci od dana izricanja prvostepene presude, tj. od 17.11.2020. godine, s tim da pritvor ne može trajati duže od izrečene kazne zatvora.
- **Dalibor Marković – S1 3 K 033037 20 K**
 Sud je 19.11.2020. godine razmatrao i prihvatio sporazum o priznanju krivnje kojim je optuženi Dalibor Marković oglašen krivim za krivično djelo krijumčarenje ljudi i izrekao mu uvjetnu osudu kojom je utvrđena kazna zatvora u trajanju od jedne

godine, a koja se neće izvršiti ukoliko optuženi u periodu od dvije godine od dana pravosnažnosti presude ne počini novo krivično djelo. Sud je također u odnosu na optuženog donio rješenje o ukidanju pritvora.

- **Ćazim Agić i dr. – S1 3 K 032319 20 K**

Sud je izrekao presudu kojom su optuženi Ćazim Agić i optuženi Nono Sejdić oglašeni krivim za krivično djelo krijumčarenje ljudi, iz člana 189. stav 2. KZBiH. Sud je optuženom Ćazimu Agiću izrekao uvjetnu osudu kojom je optuženom utvrđena kazna zatvora u trajanju od jedne (1) godine i šest (6) mjeseci, te istovremeno određeno da se utvrđena kazna neće izvršiti ukoliko optuženi u roku od tri (3) godine, od dana pravosnažnosti ove presude ne počini novo krivično djelo. Sud je optuženom Noni Sejdiću izrekao uvjetnu osudu kojom je utvrđena kazna zatvora u trajanju od jedne (1) godine i šest (6) mjeseci, te istovremeno određeno da se utvrđena kazna neće izvršiti ukoliko optuženi u roku od tri (3) godine od dana pravosnažnosti ove presude ne počini novo krivično djelo.

- **Jasmin Prošić – S1 3 K 032456 20 K**

Sud je razmotrio i prihvatio sporazum o priznanju krivnje te donio presudu kojom je optuženi Jasmin Prošić oglašen krivim za krivično djelo krijumčarenje ljudi iz člana 189. stav 2. KZBiH. Sud je optuženom izrekao uvjetnu osudu kojom je utvrđena kazna zatvora u trajanju od jedne (1) godine, te istovremeno određeno da se neće izvršiti ukoliko optuženi u roku od dvije (2) godine, od dana pravosnažnosti ove presude, ne počini novo krivično djelo.

- **Hamid Hasanagić – S1 3 K 031989 20 K**

Sud je donio presudu kojom je optužen Hamid Hasanagić oglašen krivim za krivično djelo krijumčarenje ljudi iz člana 189. stav 2. KZBiH. Sud je optuženom izrekao uvjetnu osudu kojom je utvrđena kazna zatvora u trajanju od šest (6) mjeseci, te istovremeno određeno da se neće izvršiti ukoliko optuženi u roku od jedne (1) godine, od dana pravosnažnosti ove presude, ne počini novo krivično djelo.

- **Rodoljub Vukičević – S1 2 K 033543 K**

Sud je razmotrio i prihvatio sporazum o priznanju krivnje, te javno objavio i donio presudu kojom je optuženi Rodoljub Vukičević oglašen krivim za krivično djelo krijumčarenje iz člana 214. stav 1. KZBiH. Sud je izrekao uvjetnu osudu kojom je optuženom utvrđena kazna zatvora u trajanju od osam (8) mjeseci, te je istovremeno određeno da se ova kazna neće izvršiti ako optuženi u roku od dvije (2) godine od dana pravosnažnosti presude ne počini novo krivično djelo.

- **Mustafa Kara i dr. – S1 2 K 029387 19 K**

Sud je, nakon održanog glavnog pretresa, donio presudu kojom su optuženi Mustafa Kara i Aldin Buć oglašeni krivim za krivično djelo organiziranje grupe ili

udruženja za izvršenje krivičnog djela krijumčarenje migranata iz člana 189a. stav 2. KZBiH i produženo krivično djelo krijumčarenje ljudi iz člana 189. stav 1. u vezi s članom 54. KZBiH. Sud je optuženima Mustafi Kari i Aldinu Buću izrekao jedinstvenu kaznu zatvora u trajanju od po jednu (1) godine i šest (6) mjeseci. Istom presudom optuženi Kani Kadir je oslobođen optužbe da je počinio krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH u vezi s krivičnim djelom krijumčarenje ljudi iz člana 189. stav 1. KZBiH. Sud je također donio rješenje kojim je prema optuženom Mustafi Kari produžio mjere zabrane – i to: mjeru zabrane napuštanja boravišta i mjeru zabrane putovanja iz člana 126. stav 1. i 2. ZKPBiH, dok su prema optuženom Kaniju Kadiru ukinute mjere zabrane.

- **Sreten Vidović – S1 2 K 033045 20 K**

Sud je nakon razmatranja i prihvatanja sporazuma o priznanju krivnje u predmetu donio presudu kojom je optuženi Sreten Vidović oglašen krivim i to pod tačkom 1. optužnice za krivično djelo krijumčarenje iz člana 214. stav 1. KZBiH, pod tačkom 2. optužnice za krivično djelo nedozvoljeno skladištenje robe iz člana 210.b stav 1. KZBiH i pod tačkom 3. optužnice za krivično djelo nedozvoljeni promet akciznih proizvoda iz člana 210.a stav 1. KZBiH, sve u vezi s članom 53. istog Zakona. Sud je optuženom izrekao jedinstvenu kaznu zatvora u trajanju od devet (9) mjeseci.

- **Ahmed Ghabir Mahmud Fethallah i dr. – S1 2 K 034783 20 K**

Sud je razmotrio i prihvatio sporazume o priznanju krivnje te je izrekao presudu kojom je optuženi Ahmed Ghabir Mahmud Fethallah oglašen krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH, optuženi Amir Bakrač za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH i krivično djelo krijumčarenje ljudi iz člana 189. stav 1. KZBiH, u vezi s članom 26. KZBiH, a optuženi Alan Duraković za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH. Sud je optuženog Ahmeda Ghabira Mahmuda Fethallaha osudio na kaznu zatvora u trajanju od osam (8) mjeseci. Na osnovu člana 56. KZBiH optuženom se u izrečenu kaznu zatvora ima uračunati vrijeme koje je proveo u pritvoru. Sud je optuženom Amiru Bakraču, utvrdio jedinstvenu kaznu zatvora u trajanju od jedne (1) godine i novčanu kaznu u iznosu od 1.000,00 KM koju je dužan platiti u roku od šest (6) mjeseci od dana pravosnažnosti presude. U slučaju da se novčana kazna ne može u cijelosti ili djelimično platiti u roku koji je utvrđen ovom presudom, novčana kazna će se zamijeniti kaznom zatvora u skladu s članom 47. KZBiH. Sud je optuženom Alanu Durakoviću izrekao uvjetnu osudu kojom mu je utvrđena kazna zatvora u trajanju od jedne (1) godine i istovremeno određeno da se utvrđena kazna neće izvršiti, ako optuženi u roku od tri (3) godine, od dana pravosnažnosti presude, ne počinu novo krivično djelo. Sud je optuženom Alanu Durakoviću kao sporednu izrekao

novčanu kaznu u iznosu od 1.500,00 KM koju je dužan platiti u roku od šest (6) mjeseci od dana pravosnažnosti presude. U slučaju da se novčana kazna ne može u cijelosti platiti u roku koji je utvrđen ovom presudom, novčana kazna će se zamijeniti kaznom zatvora u skladu s članom 47. KZBiH. Sud je također donio rješenje kojim je u odnosu na osuđenog Ahmeda Ghabira Mahmuda Fethallaha produžena mjera pritvora, koji po ovom rješenju može trajati najduže devet mjeseci i to do 23.6.2021. godine ili do nove odluke Suda, po osnovu člana 132. stav 1. tačka a) ZKPBiH.

- **Arman Afghan Fareedi i dr. – S1 2 K 035689 20 K**

Sud je prihvatio sporazume o priznanju krivnje te izrekao presudu kojom su optuženi Arman Afghan Fareedi i Amjid Khan oglašeni krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH u vezi s članom 189. stav 1. KZBiH. Sud je optuženom Arman Afghan Fareedi i optuženom Amjidu Khanu izrekao kaznu zatvora u trajanju od po deset (10) mjeseci. U smislu člana 56. KZBiH, u izrečene kazne zatvora optuženima se ima uračunati i vrijeme provedeno u pritvoru, počev od lišenja slobode 17.5.2020. godine, pa nadalje. Sud je donio rješenje kojim je prema optuženima produžen pritvor zbog postojanja razloga iz člana 132. stav 1. tačka a) ZKPBiH, koji po ovom rješenju može trajati do upućivanja optuženih na izdržavanje kazne zatvora, a najduže do isteka trajanja izrečene kazne.

- **Mile Pejić – S1 2 K 034505 20 Ko**

Sud je prihvatio kazneni nalog i donio presudu kojom je optuženi Mile Pejić oglašen krivim za krivično djelo krijumčarenje iz člana 214. stav 2. KZBiH u vezi s članom 29. KZBiH. Sud je optuženom izrekao uvjetnu osudu kojom je utvrđena kazna zatvora u trajanju od šest (6) mjeseci i istovremeno određeno da se ova kazna neće izvršiti, ako optuženi u roku od dvije (2) godine od dana pravosnažnosti presude ne počini novo krivično djelo.

- **Predrag Pećanac – S1 2 K 036182 20 K**

Sud je 3.7.2020. godine izrekao presudu kojom je optuženi Predrag Pećanac oglašen krivim što je u radnjama opisanim pod tačkama 1, 2, 3, 4, 5. i 6. izreke presude počinio produženo krivično djelo organiziranje grupe ljudi ili udruženja za krijumčarenje ili rasturanje neocarinjene robe iz člana 215. stav 2. u vezi sa stavom 1. KZBiH, produženo krivično djelo krijumčarenje iz člana 214. stav 1. KZBiH i produženo krivično djelo nedozvoljen promet akciznih proizvoda iz člana 210.a stav 1. KZBiH, u vezi s članom 53. i 54. KZBiH. Sud je optuženom za produženo krivično djelo organiziranje grupe ljudi ili udruženja za krijumčarenje ili rasturanje neocarinjene robe iz člana 215. stav 2. KZBiH u vezi sa stavom 1. utvrdio kaznu zatvora u trajanju od deset (10) mjeseci, za produženo krivično djelo krijumčarenje iz člana 214. stav 1. KZBiH utvrdio kaznu zatvora u trajanju od tri (3) mjeseca, za produženo krivično djelo nedozvoljen promet akciznih proizvoda iz člana 210.a

stav 1. KZBiH, utvrdio kaznu zatvora od dva (2) mjeseca, te je izrekao uvjetnu osudu kojom je utvrđena jedinstvena kazna zatvora u trajanju od jedne (1) godine i dva (2) mjeseca i istovremeno određuje da se ova kazna neće izvršiti ako optuženi u roku od tri (3) godine od dana pravosnažnosti ove presude ne počini novo krivično djelo. Na osnovu člana 110. i 111. KZBiH od osuđenog je oduzeta imovinska koristi pribavljena krivičnim djelom u iznosu od 850,00 EUR, u protuvrijednosti u konvertibilnim markama prema srednjem kursu Centralne banke BiH (CBBH) važećem na dan uplate, a koji je optuženi izmirio uplatom u budžet BiH.

- **Nikola Kokanović i dr. – S1 2 K 036446 20 Ko**

Nakon održanog javnog ročišta za razmatranje sporazuma o priznanju krivnje i pretresa za izricanje krivičnopravne sankcije, Sud je donio presudu kojom su optuženi Nikola Kokanović i Anđelo Tešić oglašeni krivim što su počinili krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH u vezi s krivičnim djelom krijumčarenje ljudi iz člana 189. stav 2. istog Zakona. Sud je optuženom Nikoli Kokanoviću izrekao uvjetnu osudu kojom mu je utvrđena kazna zatvora u trajanju od jedne godine i šest mjeseci. Istovremeno je određeno da se izrečena kazna neće izvršiti ako optuženi u roku od tri godine, od dana pravosnažnosti presude, ne počini novo krivično djelo. Optuženom Anđelu Tešiću Sud je izrekao uvjetnu osudu kojom mu je utvrđena kazna zatvora u trajanju od jedne godine. Istovremeno je određeno da se izrečena kazna neće izvršiti ako optuženi u roku od dvije godine, od dana pravosnažnosti presude, ne počini novo krivično djelo. Optuženima su kao sporedne izrečene novčane kazne u iznosima od po 500,00 KM.

- **Haris Karamehmedović i dr. – S1 2 K 032535 19 K**

Sud je izrekao presudu kojom su optuženi Haris Karamehmedović, Damir Miličević i Jasmin Kajanija oslobođeni od optužbe da su počinili krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stavovi 1. i 2. KZBiH, a u vezi s krivičnim djelom krijumčarenje ljudi iz člana 189. stav 1. KZBiH.

- **Miralem Merdžanović – S1 3 K 030439 19 K**

Sud je 25.6.2020. godine izrekao presudu kojom je optuženi Miralem Merdžanović oglašen krivim za krivično djelo krijumčarenje ljudi iz člana 189. stav 4. u vezi sa stavom 2. KZBiH i osuđen na kaznu zatvora u trajanju od jedne (1) godine i osam (8) mjeseci.

- **Mustafa Hadživdić i dr. – S1 2 K 034645 20 K**

Sud je 5.6.2020. godine izvršio razdvajanje spisa S1 2 K 034645 20 K u odnosu na drugooptuženu Marijanu Despenić zbog zdravstvenog stanja optužene. Predmet će se voditi i dovršiti pod novim brojem: S1 2 K 036048 20 K – Marijana

Despenić. U odnosu na prvooptuženog Mustafu Hadžiavdća, predmet će se dovršiti pod istim brojem (S1 2 K 034645 20 K) i nosit će naziv Mustafa Hadžiavdć. Nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, Sud je donio presudu kojom je optuženi Mustafa Hadžiavdć oglašen krivim za produženo krivično djelo organiziranje grupe ljudi ili udruženja za krijumčarenje ili rasturanje neocarinjene robe iz člana 215. stav 2. u vezi sa stavom 1. KZBiH, produženo krivično djelo krijumčarenje iz člana 214. stav 1. KZBiH i produženo krivično djelo nedozvoljen promet akciznih proizvoda iz člana 210.a stav 1. KZBiH, u vezi s članom 53. i 54. KZBiH. Sud je izrekao uvjetnu osudu i to: za produženo krivično djelo organiziranje grupe ljudi ili udruženja za krijumčarenje ili rasturanje neocarinjene robe iz člana 215. stav 2. u vezi sa stavom 1. KZBiH, utvrđena je kazna zatvora u trajanju od devet (9) mjeseci, za produženo krivično djelo krijumčarenje iz člana 214. stav 1. KZBiH, kazna zatvora u trajanju od tri (3) mjeseca, te za produženo krivično djelo nedozvoljen promet akciznih proizvoda iz člana 210.a stav 1. KZBiH, kazna zatvora u trajanju od dva (2) mjeseca te je primjenom odredbi člana 53. KZBiH, utvrđena jedinstvena kazna zatvora u trajanju od jedne (1) godine i jednog (1) mjeseca i istovremeno određeno da se utvrđena kazna neće izvršiti, ako optuženi u roku od dvije (2) godine od dana pravosnažnosti presude ne počini novo krivično djelo.

- **Marijana Despenić – S1 2 K 036048 20 K**

Nakon što je razmotrio i prihvatio sporazum o priznanju krivnje, Sud je donio presudu kojom je optužena Marijana Despenić oglašena krivom što je radnjama opisanim pod tačkama 1. i 2. izreke presude počinila produženo krivično djelo organiziranje grupe ljudi ili udruženja za krijumčarenje ili rasturanje neocarinjene robe iz člana 215. stav 2. u vezi sa stavom 1. KZBiH, produženo krivično djelo krijumčarenje iz člana 214. stav 1. KZBiH i produženo krivično djelo nedozvoljen promet akciznih proizvoda iz člana 210.a stav 1. KZBiH, u vezi s članovima 53. i 54. KZBiH. Sud je izrekao uvjetnu osudu kojom je optuženoj Marjani Despenić utvrđena jedinstvena kazna zatvora u trajanju od jedne (1) godine i istovremeno određeno da se ova kazna neće izvršiti ako optužena u roku od dvije (2) godine od dana pravosnažnosti ove presude ne počini novo krivično djelo.

- **Miralem Merdžanović – S1 3 K 030439 19 K**

Sud je 25.6.2020. godine izrekao presudu kojom je optuženi Miralem Merdžanović oglašen krivim za krivično djelo krijumčarenje ljudi iz člana 189. stav 4. u vezi sa stavom 2. KZBiH i osuđen na kaznu zatvora u trajanju od jedne (1) godine i osam (8) mjeseci.

- **Faris Tiro – S1 3 K 031219 20 K**

Sud je izrekao presudu kojom je optuženi Faris Tiro oglašen krivim za krivično djelo krijumčarenje ljudi iz člana 189. stav 4. u vezi sa stavom 2. KZBiH i osuđen na kaznu zatvora u trajanju od jedne (1) godine.

- **Samir Hadžihasanović – S1 3 K 030381 19 K**
 Sud je izrekao presudu kojom je optuženi Samir Hadžihasanović oglašen krivim za krivično djelo krijumčarenje ljudi iz člana 189. stav 2. KZBiH. Sud je optuženom utvrdio kaznu zatvora u trajanju od šest (6) mjeseci, koja se neće izvršiti ako optuženi u roku od dvije (2) godine od dana pravomoćnosti presude ne počini novo krivično djelo.
- **Peter Cibik – S1 3 K 034433 20 K**
 Sud je, nakon razmatranja i prihvatanja sporazuma o priznanju krivnje, donio presudu kojom je optuženi Peter Cibik oglašen krivim za krivično djelo krijumčarenja ljudi iz člana 189. stav 4., u vezi sa stavom 1. KZBiH te osuđen na kaznu zatvora u trajanju od jedne (1) godine. Sud je također donio rješenje kojim je prema optuženom Petru Cibiku produžen pritvor koji po ovom rješenju može trajati do upućivanja optuženog na izdržavanje kazne zatvora, a najduže devet (9) mjeseci od dana izricanja prvostepene presude, s tim da pritvor ne može trajati duže od izrečene kazne zatvora.
- **Muamer Kalem – S1 3 K 031645 19 K**
 Sud je razmotrio i prihvatio sporazum o priznanju krivnje te donio presudu kojom je optuženi Muamer Kalem ogašen krivim za krivično djelo krijumčarenje ljudi iz člana 189. stav 2. KZBiH. Sud je optuženom izrekao uvjetnu osudu kojom je izrečena kazna zatvora u trajanju od jedne (1) godine i istovremeno određeno da se ova kazna neće izvršiti ukoliko optuženi u roku od dvije (2) godine od dana pravosnažnosti presude ne počini novo krivično djelo.
- **Edina Zelić – S1 2 K 033552 19 K**
 Sud je, nakon prihvatanja sporazuma o priznanju krivnje, donio presudu u predmetu kojom je optužena Edina Zelić oglašena krivom što je počinila krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH i krivično djelo krijumčarenje ljudi iz člana 189. stav 1. KZBiH. Sud je optuženoj Edini Zelić izrekao uvjetnu osudu kojom joj je utvrdio jedinstvenu kaznu zatvora u trajanju od jedne (1) godine. Istovremeno je određeno da se izrečena kazna neće izvršiti ako optužena u roku od dvije (2) godine, od dana pravosnažnosti presude, ne počini novo krivično djelo. Od optužene je oduzeta imovinska korist pribavljena izvršenjem krivičnog djela u iznosu od 760,00 KM.
- **Srećko Vukičević i dr. – S1 2 K 032183 19 K**
 Sud je izrekao presudu u predmetu kojom su optuženi Srećko Vukičević i Pavle Vukičević oslobođeni optužbe da su počinili krivično djelo krijumčarenje iz člana 214. stav 2. KZBiH u vezi s članom 29. KZBiH.

- **Sead Abazi – S1 3 K 034766 20 K**

Sud je, nakon prihvatanja sporazuma o priznanju krivnje, donio presudu kojom je optuženi Sead Abazi oglašen krivim što je počinio krivično djelo krijumčarenje ljudi iz člana 189. stav 2. KZBiH i krivično djelo prevare iz člana 249. stav 1. KZFBiH u vezi s članom 53. KZBiH. Sud je optuženom izrekao uvjetnu osudu kojom mu je utvrđena kazna zatvora u trajanju od jedne (1) godine i četiri (4) mjeseca. Istovremeno je određeno da se izrečena kazna neće izvršiti ako optuženi u roku od tri (3) godine, od dana pravosnažnosti presude, ne počini novo krivično djelo.

- **Sebhudin Mahić – S1 3 K 033639 19 K**

Sud je, nakon prihvatanja sporazuma o priznanju krivnje, donio presudu kojom je optuženi Sebhudin Mahić oglašen krivim za krivično djelo krijumčarenje ljudi iz člana 189. stav 1. KZBiH, u vezi s članom 26. istog Zakona. Sud je izrekao uvjetnu osudu kojom je optuženom utvrdio kaznu zatvora u trajanju od 8 (osam) mjeseci. Istovremeno je određeno da se izrečena kazna neće izvršiti ukoliko optuženi u roku od 2 (dvije) godine, od dana pravosnažnosti presude, ne počini novo krivično djelo.

- **Suad Česko i dr. – S1 3 K 029221 19 K**

Sud je izrekao presudu kojom je optuženi Suad Česko oglašen krivim što je pod tačkom 1. izreke počinio krivično djelo krijumčarenje ljudi iz člana 189. stav 2. KZBiH, a pod tačkom 2. izreke krivično djelo krijumčarenje ljudi iz člana 189. stav 4. u vezi sa stavom 2. KZBiH, a optuženi Ibrahim Čerkez što je pod tačkom 2. izreke počinio krivično djelo krijumčarenje ljudi iz člana 189. stav 4., u vezi sa stavom 2. KZBiH. Sud je optuženom Suadu Česki izrekao jedinstvenu kaznu zatvora u trajanju od jedne (1) godine i šest (6) mjeseci, a optuženog Ibrahima Čerkeza na kaznu zatvora u trajanju od jedne (1) godine. Od optuženih su oduzeti predmeti, dok je od optuženog Suada Česke oduzeta i protupravna imovinska korist u iznosu od 2.000,00 EUR.

- **Alen Amin – S1 2 K 031414 19 K**

Sud je donio i javno objavio presudu kojom je optuženi Alen Amin oglašen krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 1. u vezi s krivičnim djelom krijumčarenje ljudi iz člana 189. stav 1. i 2. u vezi s članom 54. KZBiH. Sud je optuženog osudio na kaznu zatvora u trajanju od tri (3) godine. Istom presudom optuženi Alen Amin je oslobođen od optužbe po tački 1.5. optužnice za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 1. u vezi s krivičnim djelom krijumčarenje ljudi iz člana 189. stav 1. i 2. KZBiH. Sud je također donio rješenje kojim je prema

optuženom produžen pritvor određen rješenjem Suda BiH od 11.10.2018. godine, a produžen rješenjem Suda od 8.2.2019. godine. Pritvor prema ovom rješenju može trajati najduže devet mjeseci i to do 14.11.2020. godine ili do nove odluke Suda, a najduže do isteka trajanja izrečene kazne zatvora, a iz zakonskih razloga propisanih članom 132. stav 1. tačka a) ZKPBiH.

- **Mirsad Nuković – S1 3 K 024908 18 K**

Sud je donio presudu kojom je optuženi Mirsad Nuković oslobođen od optužbe da je počinio krivično djelo krijumčarenje ljudi iz člana 189. stav 3. KZBiH. Sud je također donio rješenje kojim je prema optuženom Mirsadu Nukoviću ukinut pritvor određen rješenjem Suda BiH od 11.10.2018 godine, odnosno produžen rješenjem Suda BiH od 21.11.2019. godine.

- **Branislav Milinčić – S1 2 K 031579 19 Ko**

Sud je na ročištu za izdavanje kaznenog naloga prihvatio kazneni nalog i izrekao presudu kojom je optuženi Branislav Milinčić oglašen krivim za krivično djelo krijumčarenje iz člana 214. stav 1. KZBiH. Sud je izrekao uvjetnu osudu, kojom je optuženom utvrđena kazna zatvora u trajanju od jedne (1) godine i istovremeno određeno da se ova kazna neće izvršiti, ako optuženi u roku od dvije (2) godine od dana pravomoćnosti presude ne počini novo krivično djelo.

- **Mustafa Erdogan – S1 3 K 033698 20 K**

Sud je nakon održanog ročišta za razmatranje sporazuma o priznanju krivnje i izricanje krivičnopravne sankcije donio presudu kojom je optuženi Mustafa Erdogan oglašen krivim za krivično djelo krijumčarenje ljudi iz člana 189. stav 1. KZBiH u vezi s članom 26. istog Zakona. Sud je optuženog osudio na kaznu zatvora u trajanju od četiri (4) mjeseca. Na osnovu člana 56. stav 1. KZBiH, optuženom će se u izrečenu kaznu zatvora uračunati vrijeme provedeno u pritvoru. U istom predmetu Sud je donio rješenje kojim je optuženom produžen pritvor koji po ovom rješenju može trajati do upućivanja optuženog na izdržavanje kazne zatvora, računajući od dana izricanja prvostepene presude, tj. od 28.1.2020. godine, s tim da pritvor ne može trajati duže od izrečene kazne zatvora.

- **Meho Šišić – S1 3 K 036694 21 K**

Sud je prihvatio zaključeni sporazum o priznanju krivnje te donio presudu kojom je optuženi oglašava krivim za krivično djelo krijumčarenje ljudi iz člana 189. stav 2. u vezi s članom 26. istog Zakona, te je optuženom izrekao uvjetnu osudu kojom mu je utvrđena kazna zatvora u trajanju od jedne (1) godine i istovremeno je određeno da se ista neće izvršiti ukoliko optuženi u roku od dvije (2) godine od pravomoćnosti presude ne počini novo krivično djelo. Istovremeno, optuženom je, kao sporedna kazna, izrečena novčana kazna u visini od 1.000 KM koju je optuženi dužan platiti u roku od tri (3) mjeseca od dana pravomoćnosti presude, u suprotnom će mu se novčana kazna pretvoriti u kaznu zatvora. Presudom su

optuženom vraćeni privremeno oduzeti predmeti (mobilni telefon i putničko motorno vozilo), te je isti oslobođen od plaćanja troškova krivičnog postupka.

- **Hasib Mehić i dr. – S1 2 K 040855 21 K**

Sud je razdvojio postupak u odnosu na prvooptuženog Hasiba Mehića i drugooptuženog Senaila Miskića iz razloga zaprimljenih sporazuma o priznanju krivnje zaključenih između optuženog Hasiba Mehića i Tužilaštva BiH i između optuženog Senaila Miskića i Tužilaštva BiH, te je predmet dobio novi broj: S1 2 K 041653 21 K i nosi naziv Hasib Mehić i dr. Nakon razmatranja i prihvatanja sporazuma o priznanju krivnje u predmetu Hasib Mehić i dr. (S1 2 K 041653 21 K), Sud je donio presudu kojom su optuženi Hasib Mehić i optuženi Senail Miskiće oglašeni krivim i to: optuženi Hasib Mehić da je radnjama opisanim u tačkama 2, 3.a, 3.b i 4. izreke presude počinio krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH, u vezi s krivičnim djelom krijumčarenje ljudi iz člana 189. stav 1. KZBiH, u vezi s čl. 29. i 54. KZBiH i optuženi Senail Miskiće da je radnjama opisanim u tačkama 1. i 3.a izreke presude počinio krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH, u vezi s krivičnim djelom krijumčarenje ljudi iz člana 189. stav 1. KZBiH, u vezi s čl. 29. i 54. KZBiH. Sud je optuženog Hasiba Mehića osudio na kaznu zatvora u trajanju od jedne (1) godine i dva (2) mjeseca u koju će se uračunati vrijeme koje je proveo u pritvoru. Sud je optuženom kao sporednu kaznu izrekao novčanu kaznu u iznosu od 8.000,00 KM koju je optuženi nakon pravomoćnosti presude dužan platiti u roku od jedne (1) godine u korist budžeta Bosne i Hercegovine. Ukoliko djelimično ili u cijelosti optuženi ne plati izrečenu novčanu kaznu u datom roku, na osnovu odredbi člana 47. Krivičnog zakona BiH, novčana kazna će se zamijeniti kaznom zatvora, tako što će se za svakih započelih 100,00 KM novčane kazne, odrediti jedan dan zatvora, s tim da kazna zatvora ne može prekoračiti propisanu kaznu za to djelo, a ako se isplati samo dio novčane kazne, ostatak će se srazmjerno pretvoriti u kaznu zatvora. Sud je optuženom Senailu Miskiću primjenom odredbi članova 48, 58. i 59. KZBiH izrekao uvjetnu osudu kojom mu je utvrđena kazna zatvora u trajanju od jedne (1) godine i 11 (jedanaest) mjeseci i istovremeno određeno da se utvrđena kazna neće izvršiti, ako optuženi u roku od pet (5) godina, od dana pravomoćnosti presude, ne poćini novo krivično djelo.

- **Željko Rokić – S1 2 K 028021 18 Ko**

Sud je nakon razmatranja i prihvatanja sporazuma o priznanju krivnje izrekao presudu kojom je optuženi Željko Rokić oglašen krivim za krivično djelo krijumčarenje iz člana 214. stav 2. KZBiH, u vezi s članom 29. KZBiH. Sud je izrekao uvjetnu osudu kojom je optuženom utvrđena kazna zatvora u trajanju od jedne (1) godine i istovremeno određeno da se ova kazna neće izvršiti, ako optuženi u roku od tri (3) godine, od dana pravosnažnosti presude, ne poćini novo

krivično djelo. U istom predmetu, Sud je donio rješenje kojim je prema optuženom ukinuta mjera pritvora.

- **Enver Ikanović – S1 3 K 039166 21 K**

Sud je prihvatio zaključeni sporazum o priznanju krivnje između Tužilaštva BiH s jedne i optuženog s druge strane, te donio presudu kojom je optuženi oglašen krivim zbog počinjenja krivičnog djela krijumčarenje ljudi iz člana 189. stav 2. u vezi s članom 26. KZBiH, te mu je za počinjeno krivično djelo izrečena uvjetna osuda kojom mu je utvrđena kazna zatvora u trajanju od jedne (1) godine te istovremeno odlučeno da se ista neće izvršiti ukoliko optuženi u roku od dvije (2) godine od pravomoćnosti presude ne počini novo krivično djelo. Presudom su od optuženog oduzeti predmeti koji su upotrijebljeni za izvršenje predmetnog krivičnog djela (mobilni telefon sa SIM karticom), te je isti obavezan na plaćanje troškova krivičnog postupka u visini od 94,00 KM.

- **Jabar Tajamul Malik i dr. – S1 3 K 040341 21 K**

Sud je, nakon održanog ročišta za razmatranje sporazuma o priznanju krivnje, donio presudu kojom su optuženi Jabar Tajamul Malik i Mensud Suljić oglašeni krivim i to: Tajamul Jabbar Malik da je počinio krivično djelo krijumčarenje ljudi iz čl. 189. stav 1. u vezi sa stavom 2. KZBiH i Mensud Suljić da je počinio krivično djelo krijumčarenje ljudi iz čl. 189. stav 2. KZBiH. Sud je prvooptuženog Tajamul Jabbara osudio na kaznu zatvora u trajanju od sedam (7) mjeseci. Na osnovu člana 56. stav 1. KZBiH, optuženom je u izrečenu kaznu zatvora uračunato vrijeme koje je proveo u pritvoru. Sud je kao sporednu kaznu izrekao novčanu kaznu u iznosu od 800,00 KM koju je optuženi dužan platiti u roku od mjesec dana, od dana pravosnažnosti ove presude. Ukoliko optuženi u datom roku ne plati izrečenu novčanu kaznu, Sud će, primjenom člana 47. KZBiH, novčanu kaznu zamijeniti kaznom zatvora, tako što će za svakih započelih 100,00 KM novčane kazne odrediti jedan dan zatvora. Sud je optuženom Mensudu Suljiću izrekao uvjetnu osudu kojom je utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ako optuženi u roku od dvije (2) godine, od dana pravosnažnosti presude, ne počini novo krivično djelo. Na osnovu članova 110. i 111. KZBiH i člana 392. ZKPBiH od optuženog Mensuda Suljića se oduzima imovinska korist pribavljena počinjenjem krivičnog djela. Sud je također donio rješenje kojim je prema optuženom Tajamul Jabaru produžen pritvor koji po ovom rješenju može trajati do upućivanja optuženog na izdržavanja kazne zatvora, a najduže devet (9) mjeseci od dana izricanja prvostepene presude, s tim da pritvor ne može trajati duže od izrečene kazne zatvora.

- **Zoran Jovanović – S1 2 K 041222 21 K**

Sud je razmotrio i prihvatio sporazum o priznanju krivnje te donio presudu kojom je optuženi Zoran Jovanović oglašen krivim za krivično djelo organiziranje grupe ljudi ili udruženja za rasturanje neocarinjene robe iz člana 215. stav 2. KZBiH,

krivično djelo krijumčarenje iz člana 214. stav 2., u vezi sa stavom 1. KZBiH i krivično djelo davanje dara i drugih oblika koristi iz člana 218. stav 1., u vezi sa stavom 3. KZBiH. Sud je optuženom izrekao uvjetnu osudu kojom je optuženom utvrđena kazna zatvora u trajanju od jedne (1) godine i šest (6) mjeseci i istovremeno određeno da se ova kazna neće izvršiti ako optuženi u roku od tri (3) godine od dana pravosnažnosti presude ne počini novo krivično djelo.

- **Zejid Šabić – S1 2 K 041046 21 Ko**

Sud je nakon razmatranja i prihvatanja sporazuma o priznanju krivnje i ročišta za izricanje krivičnopravne sankcije donio presudu kojom je optuženi Zejid Šabić oglašen krivim za krivično djelo organiziranje grupe ljudi ili udruženja za izvršenje krivičnog djela krijumčarenje migranata iz člana 189.a stav 2. KZBiH i krivično djelo, krijumčarenje ljudi iz člana 189. stav 1. KZBiH, a sve u vezi s članovima 29, 53. i 54. KZBiH. Sud je optuženom izrekao jedinstvenu kaznu zatvora u trajanju od tri (3) godine. Na osnovu člana 110. i člana 111. Krivičnog zakona BiH, te člana 392., u vezi s članom 394. Zakona o krivičnom postupku BiH, od optuženog Zejida Šabića oduzima se protupravna imovinska korist pribavljena krivičnim djelom u visini od 3.300,00 KM, koji iznos je optuženi dužan uplatiti u korist budžeta Bosne i Hercegovine u roku od 30 (trideset) dana od dana pravosnažnosti ove presude, pod prijetnjom prinudnog izvršenja.

- **Marko Đedović i dr. – S1 2 K 040847 21 K**

Sud je nakon razmatranja i prihvatanja sporazuma o priznanju krivnje izrekao presudu kojom su optuženi Marko Đedović, Radoslav Kovačević i Miloš Vučurević oglašeni krivim za krivično djelo krijumčarenje iz člana 214. stav 2. KZBiH, a u vezi s članom 29. KZBiH. Sud je optuženog Marka Đedovića osudio na kaznu zatvora u trajanju od šest (6) mjeseci, te izrekao sporednu kaznu – novčanu kaznu u iznosu od 1.000,00 KM koju će uplatiti u korist budžeta Bosne i Hercegovine u roku od tri (3) mjeseca od dana pravosnažnosti presude, a ukoliko u navedenom roku ne uplati novčanu kaznu, ista će se zamijeniti kaznom zatvora i to za svakih započelih 100,00 KM novčane kazne odrediti jedan dan zatvora. Sud je optuženom Radoslavu Kovačeviću izrekao uvjetnu osudu kojom je utvrđena kazna zatvora u trajanju od jedne (1) godine i osam (8) mjeseci, koja se neće izvršiti ako optuženi u roku od četiri (4) godine od dana pravosnažnosti ove presude ne učini novo krivično djelo, te izrekao sporednu kaznu – novčanu kaznu u iznosu od 1.000,00 KM koju će uplatiti u korist budžeta Bosne i Hercegovine u roku od tri (3) mjeseca od dana pravosnažnosti presude, a ukoliko u navedenom roku ne uplati novčanu kaznu, ista će biti zamijenjena kaznom zatvora i to za svakih započelih 100,00 KM novčane kazne odredit će se jedan dan zatvora. Sud je optuženom Milošu Vučureviću izrekao uvjetnu osudu kojom je utvrđena kazna zatvora u trajanju od jedne (1) godine i osam (8) mjeseci, koja se neće izvršiti ako optuženi u roku od četiri (4) godine od dana pravosnažnosti ove presude ne učini novo krivično djelo, te izrekao novčanu kaznu u iznosu od 1.000,00 KM koju će uplatiti u korist budžeta

Bosne i Hercegovine u roku od tri (3) mjeseca od dana pravosnažnosti presude, a ukoliko u navedenom roku ne uplati novčanu kaznu ista će se zamijeniti kaznom zatvora i to za svakih započelih 100,00 KM novčane kazne odrediti jedan dan zatvora.

- **Muhidin Varupa – S1 2 K 040699 21 Ko**

Sud je nakon razmatranja i prihvatanja sporazuma o priznanju krivnje donio presudu kojom je optuženi Muhidin Varupa oglašen krivim za krivično djelo krijumčarenje iz člana 214. stav 1. KZBiH. Sud je izrekao uvjetnu osudu kojom je optuženom utvrđena kazna zatvora u trajanju od jedne (1) godine i šest (6) mjeseci i istovremeno određeno da se ova kazna neće izvršiti, ako optuženi u roku od dvije godine od dana pravomoćnosti presude ne počini novo krivično djelo. Sud je kao sporednu izrekao novčanu kaznu u iznosu od 1.000,00 KM koju je dužan platiti u roku od 30 (trideset) dana od dana pravomoćnosti presude. U slučaju da se novčana kazna ne može u cijelosti platiti u roku koji je utvrđen ovom presudom, novčana kazna će se zamijeniti kaznom zatvora, u skladu s članom 47. KZBiH.

- **Mevljudin Kalač – S1 2 K 039823 21 K**

Sud je na ročištu za razmatranje izjave o priznanju krivnje u predmetu razmotrio i prihvatio izjavu o priznanju krivnje optuženog Mevljudina Kalača, te objavio presudu kojom je optuženi Mevljudin Kalač oglašen krivim za krivično djelo krijumčarenje iz člana 214. stav 1. KZBiH, te je osuđen na kaznu zatvora u trajanju od sedam (7) mjeseci. Na osnovu člana 56. Krivičnog zakona BiH, u izrečenu kaznu zatvora optuženom će se uračunati i vrijeme provedeno u pritvoru. Sud je donio rješenje prema kojem je optuženom produžen pritvor i može trajati do upućivanja optuženog na izdržavanje kazne zatvora ili do nove odluke Suda, s tim da pritvor ne može trajati duže od izrečene kazne zatvora.

- **Stanivoje Žutić – S1 2 K 040443 21 K**

Sud je razmotrio i prihvatio sporazum o priznanju krivnje te izrekao presudu kojom je optuženi Stanivoje Žutić oglašen krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH i krivično djelo krijumčarenje ljudi iz člana 189., stav 2. KZBiH. Sud je optuženom izrekao uvjetnu osudu kojom je utvrđena jedinstvena kazna zatvora u trajanju od jedne (1) godine i istovremeno je određeno da se ova kazna neće izvršiti ako optuženi u roku od tri (3) godine od dana pravosnažnosti ove presude ne počini novo krivično djelo. Sud je kao sporednu izrekao novčanu kaznu u iznosu od 500,00 KM koju je dužan platiti u roku od 30 (trideset) dana od dana pravosnažnosti presude. U slučaju da se novčana kazna ne može u cijelosti platiti u roku koji je utvrđen ovom presudom, novčana kazna će se zamijeniti kaznom zatvora, u skladu s članom 47. KZBiH.

- **Houshang Ebrahimi – S1 2 K 035071 20 K**

Sud je 17.5.2021. otpremio drugostepenu presudu kojom su odbijene kao neosnovane žalba Tužilaštva Bosne i Hercegovine i žalba braniteljice optuženog Houshanga Ebrahimija, te je potvrđena presuda Suda Bosne i Hercegovine od 14.1.2021. godine. Presudom Suda Bosne i Hercegovine od 14.1.2021. godine, optuženi Houshang Ebrahimi je oglašen krivim da je radnjama opisanim u izreci presude počinio krivično djelo krijumčarenje ljudi iz člana 189. stav 4. u vezi s članom 1. KZBiH, a sve u vezi s članom 26. KZBiH, te je osuđen na kaznu zatvora u trajanju od jedne (1) godine.

- **Zuhdija Odobašić i dr. – S1 3 K 035076 21 Kps**

Sud je nakon održanog ročišta povodom prijedloga Tužilaštva BiH za izdavanje kaznenog naloga, donio presudu kojom su optuženi Zuhdija Odobašić, Semir Bajraktarević i Hamza Bajraktarević oglašeni krivim za krivično djelo krijumčarenje ljudi iz čl. 189. st. 2. KZBiH u vezi s članom 29. KZBiH. Sud je izrekao uvjetnu osudu kojom je prema optuženima Zuhdiji Odobašiću i Semiru Bajraktareviću utvrđena kazna zatvora u trajanju od jedne (1) godine i istovremeno određeno da se kazna neće izvršiti ako optuženi u roku od dvije (2) godine od dana pravosnažnosti presude ne počine novo krivično djelo. Sud je prema optuženom Hamzi Bajraktareviću izrekao uvjetnu osudu kojom je utvrđena kazna zatvora u trajanju od šest (6) mjeseci i istovremeno određeno da se utvrđena kazna neće izvršiti ako optuženi u roku od dvije (2) godine od dana pravosnažnosti presude ne počini novo krivično djelo. Sud je kao sporednu kaznu izrekao novčanu kaznu u iznosu od 500,00 KM, koju su optuženi dužni platiti u roku od šest (6) mjeseci od dana pravosnažnosti presude, a ukoliko djelimično ili u cijelosti optuženi ne plate izrečene novčane kazne u datom roku, na osnovu odredbi člana 47. Krivičnog zakona BiH, novčana kazna će se zamijeniti kaznom zatvora, tako što će se za svakih započelih, a neplaćenih 100,00 KM novčane kazne odrediti jedan dan zatvora, s tim da zatvor u tom slučaju ne može prekoračiti propisanu kaznu za predmetno krivično djelo.

- **Adil Bashir i drugi – S1 2 K 040102 21 Ko**

Sud je, nakon održanog pretresa za razmatranje sporazuma o priznanju krivnje i ročišta za izricanje krivičnopravne sankcije, 30.6.2021. donio presudu kojom su optuženi Adil Bashir i Adnan Ali oglašeni krivim što su počinili krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH u vezi s krivičnim djelom krijumčarenje lica iz člana 189. stav 1. KZBiH. Sud im je izrekao kaznu zatvora u trajanju od po 11 mjeseci. Optuženima se u izrečenu kaznu zatvora ima uračunati vrijeme provedeno u pritvoru. Od optuženih se oduzima imovinska korist pribavljena izvršenjem krivičnog djela. Prema osuđenima je produžena mjera pritvora, određena rješenjem Suda od 04.04.2021. godine, koja može trajati najduže još

devet (9) mjeseci, odnosno do 30. 3.2022. godine ili do upućivanja na izdržavanje kazne zatvora.

- **Srđan Rankić i dr. – S1 2 K 039044 21 K**

Sud je, nakon razmatranja i prihvatanja sporazuma o priznanju krivnje u predmetu, dana 9.4.2021. godine donio presudu kojom su optuženi oglašeni krivim i to Srđan Rankić, na način opisan pod tačkama 1-10. izreke presude, Zoran Tomić pod tačkama 1, 2, 4, 5, 6, 7. i 8., Mišo Rosić pod tačkama 1, 2, 3, 4, 5, 6, 7, 8. i 10, Vaso Dragojlović po tačkama 5, 6. i 9. i Aleksandar Stanojlović pod tačkama 1. i 3. izreke presude da su počinili krivično djelo udruživanje radi činjenja krivičnih djela iz člana 249. stav 2. KZBiH i krivično djelo krijumčarenje, iz člana 214. stav 1. KZBiH, u vezi s članom 53. KZBiH. Sud je prema optuženom Srđanu Rankiću izrekao jedinstvenu kaznu zatvora u trajanju od tri (3) mjeseca. Sud je prema optuženom Zoranu Tomiću i optuženom Miši Rosiću izrekao uvjetnu osudu kojom je optuženim utvrđena jedinstvena kazna zatvora u trajanju od po šest (6) mjeseci i istovremeno određeno da se ova kazna neće izvršiti ako optuženi u roku od dvije (2) godine od dana pravosnažnosti presude ne počine novo krivično djelo. Sud je prema optuženom Vasi Dragojloviću i optuženom Aleksandru Stanojloviću izrekao uvjetnu osudu kojom je optuženim utvrđena jedinstvena kazna zatvora u trajanju od po šest (6) mjeseci i istovremeno određeno da se ova kazna neće izvršiti ako optuženi u roku od jedne (1) godine od dana pravosnažnosti presude ne počine novo krivično djelo.

- **Emir Secgin Recep – S1 2 K 021286 16 K**

Nakon razmatranja i prihvatanja sporazuma o priznanju krivnje, Sud je 9.4.2021. godine donio presudu kojom je optuženi Emir Secgin Recep oglašen krivim za krivično djelo udruživanje radi činjenja krivičnih djela iz člana 249. stav 2. KZBiH u sticaju s krivičnim djelom krijumčarenje ljudi člana 189. stav 1. KZBiH. Sud je optuženom izrekao jedinstvenu kaznu zatvora u trajanju od 10 (deset) mjeseci. Sud je također donio rješenje kojim je prema optuženom Emiru Secginu Receptu produžen pritvor koji po ovom rješenju može trajati do upućivanja optuženog na izdržavanje kazne zatvora, a najduže devet (9) mjeseci od dana izricanja prvostepene presude, s tim da pritvor ne može trajati duže od izrečene kazne zatvora.

- **Indir Suljemani – S1 2 K 034358 20 K**

Sud je 9.4.2021. godine izrekao presudu kojom je optuženi Indir Suljemani oglašen krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. u vezi s krivičnim djelom krijumčarenje ljudi iz člana 189. stav 2. KZBiH i osuđen na kaznu zatvora u trajanju od jedne (1) godine. Istom presudom optuženi Indir Suljemani je oslobođen od optužbe za krivično djelo organiziranje grupe ili udruženja za izvršenje krivičnog

djela krijumčarenje migranata iz člana 189.a stav 2. u vezi s krivičnim djelom krijumčarenje ljudi iz člana 189. stav 2. KZBiH.

- **Milenko Nikolić – S1 3 K 033825 20 K**

Sud je nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije donio presudu kojom je optuženi Milenko Nikolić oglašen krivim za krivično djelo krijumčarenje ljudi iz člana 189. stav 2. KZBiH. Sud je optuženom izrekao kaznu zatvora u trajanju od šest (6) mjeseci. Na osnovu člana 110. KZBiH od optuženog je oduzeta imovinska korist stečena krivičnim djelom.

- **Ivan Bakula – S1 3 K 033241 20 Kps**

Sud je 26.2.2021. godine, nakon ročišta za razmatranje sporazuma o priznanju krivnje, izrekao presudu u predmetu kojom je optuženi Ivan Bakula oglašen krivim za krivično djelo krijumčarenje ljudi iz člana 189. stav 2. KZBiH. Sud je optuženom izrekao uvjetnu osudu kojom je utvrđena kazna zatvora u trajanju od osam (8) mjeseci, koja se neće izvršiti ako optuženi u roku od dvije (2) godine, od dana pravomoćnosti presude, ne počini novo krivično djelo. Sud je također donio rješenje kojim je prema optuženom Ivanu Bakuli ukinut pritvor određen rješenjem Suda BiH broj: S1 3 K 033241 20 Kps od 2.2.2021. godine.

- **Avdo Bureković – S1 2 K 033715 20 K**

Sud je nakon razmatranja i prihvatanja sporazuma o priznanju krivnje izrekao presudu kojom je optuženi Avdo Bureković oglašen krivim za krivično djelo krijumčarenje iz člana 214. stav 1. Krivičnog zakona BiH u vezi s članom 54. KZBiH. Sud je izrekao uvjetnu osudu kojom je optuženom Avdi Burekoviću za počinjeno krivično djelo utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ako optuženi u roku od dvije (2) godine od dana pravomoćnosti ove presude ne počini novo krivično djelo. Na osnovu odredbi člana 110. i 111. Krivičnog zakona BiH, od optuženog Avde Burekovića se oduzima imovinska korist pribavljena izvršenjem krivičnog djela u iznosu od 183.107,82 KM, koji je optuženi dužan uplatiti u korist budžeta Bosne i Hercegovine do 31.12.2021. godine.

- **Nenad Petreš – S1 2 K 032530 19 K**

Nakon razmatranja i prihvatanja sporazuma o priznanju krivnje u predmetu Sud je donio presudu kojom je optuženi Nenad Petreš oglašen krivim što je radnjama opisanim pod tačkama 1, 2, 3, 4, 5. i 6. izreke presude počinio produženo krivično djelo organiziranje grupe ljudi ili udruženja za krijumčarenje ili rasturanje neocarinjene robe iz člana 215. stav 2. u vezi sa stavom 1. KZBiH, produženo krivično djelo krijumčarenje iz člana 214. stav 1. KZBiH i produženo krivično djelo nedozvoljen promet akciznih proizvoda iz člana 210.a stav 1. KZBiH, a sve u vezi s članovima 53. i 54. KZBiH. Sud je optuženom izrekao uvjetnu osudu kojom je

utvrđena jedinstvena kazna zatvora u trajanju od dvije (2) godine i istovremeno određuje da se utvrđena kazna neće izvršiti ako optuženi u roku od pet (5) godina od dana pravosnažnosti ove presude ne počini novo krivično djelo. Sud je kao sporednu kaznu izrekao novčanu kaznu u iznosu od 1,000.00 KM koju je optuženi dužan platiti u roku od tri (3) mjeseca od dana pravosnažnosti presude. Ukoliko optuženi ne plati navedenu novčanu kaznu u cijelosti ili djelimično, Sud će, u skladu s članom 47. stav 3. KZBiH istu zamijeniti kaznom zatvora, tako što će se za svakih započelih 100 (stotinu) KM novčane kazne odrediti jedan dan zatvora, s tim da se ne može prekoračiti propisana kazna za navedeno djelo.

- **Marko Jurković – S1 3 K 033589 20 K**

Sud je 29.1.2021. godine donio presudu kojom je optuženi Marko Jurković oslobođen od optužbe da je počinio krivično djelo krijumčarenje ljudi iz člana 189. stav 1. u vezi s članom 26. KZBiH.

- **Ejub Dizdarević – S1 3 K 031880 20 K**

Sud je 5.2.2021. godine donio presudu kojom je optuženi Ejub Dizdarević oslobođen od optužbe za krivično djelo krijumčarenje ljudi iz člana 189. stav 2. KZBiH u vezi s članom 54. istog Zakona.

- **Jackson Ndip – S1 2 K 034670 20 K**

Sud je razmotrio i prihvatio sporazum o priznanju krivnje te donio i javno objavio presudu kojom je optuženi Jackson Ndip oglašen krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. u vezi s krivičnim djelom krijumčarenje ljudi iz člana 189. stav 1. KZBiH i osuđen na kaznu zatvora u trajanju od jedne (1) godine i jednog (1) mjeseca. Isti dan doneseno je rješenje kojim se produžava pritvor nakon izricanja presude, zbog postojanja okolnosti iz člana 138. Zakona o krivičnom postupku BiH, a u vezi s članom 132. stav 1. tačka a) istog Zakona. Pritvor po ovom rješenju može trajati najduže devet (9) mjeseci i to do 8.11.2021. godine ili do nove odluke Suda, a najduže do isteka trajanja izrečene kazne zatvora. Na osnovu članova 110. i 111. Krivičnog zakona BiH, od optuženog Jacksona Ndipa se oduzima protupravno stečena imovinska korist u iznosu od 5.000,00 EUR, koji je kao imovinska korist uplaćen u korist budžeta Bosne i Hercegovine.

- **Sanel Šahbazović – S1 3 K 039030 21 K**

Sud je, nakon održanog ročišta za razmatranje sporazuma o priznanju krivnje i pretresa za izricanje krivičnopravne sankcije, donio presudu kojom je optuženi Sanel Šahbazović oglašen krivim za krivično djelo krijumčarenje ljudi iz člana 189. stav 2. KZBiH. Sud je optuženom izrekao uvjetnu osudu kojom je utvrđena kazna zatvora u trajanju od jedne (1) godine i istovremeno određeno da se ista neće izvršiti ukoliko optuženi u roku od dvije (2) godine od dana pravomoćnosti presude ne poćini novo krivićno djelo. Sud je kao sporednu izrekao novćanu kaznu u iznosu od 500,00 KM koju je optuženi dužan platiti u roku od šest (6) mjeseci od dana pravosnažnosti presude. Ukoliko djelimićno ili u cijelosti optuženi ne plati izrećenu novćanu kaznu u datom roku, na osnovu odredbi člana 47. Krivićnog zakona BiH, novćana kazna će se zamijeniti kaznom zatvora tako što će se za svakih zapoćetih, a neplaćenih 100,00 KM novćane kazne, odrediti jedan dan zatvora, s tim da zatvor u tom slućaju ne mođe prekoraćiti propisanu kaznu za predmetno krivićno djelo.

- **Ismail Faisal – S1 3 K 036768 20 K**

Sud je izrekao presudu kojom je optuženi Ismail Faisal oglašen krivim zbog krivićnog djela krijumćarenje ljudi iz člana 189. stav 4. u vezi sa stavom 1. KZBiH, te mu je izrećena kazna zatvora u trajanju jedne (1) godine. Sud je optuženom Ismailu Faisalu produćio pritvor nakon izricanja presude, koji po ovom rješenju, u skladu s ćlanom 138. stav 3. ZKPBiH, mođe trajati do upućivanja optuženog na izdržavanje kazne zatvora, a najduđe do isteka trajanja izrećene kazne.

- **Ferid Sejdić – S1 3 K 031245 18 Kps**

Sud je donio rješenje kojim je stavljeno van snage rješenje Suda BiH broj: S1 3 K 031245 18 Kps od 13.5.2019. kojim je prema optuženom Feridu Sejdiću odrećena mjera pritvora. Optuženi je 11.1.2021. godine izrućen u BiH slijedom ćega je, uvaćavajući obavezu hitnog postupanja, istog dana izveden pred sudiju za prethodno saslućanje kada je na odrćanom roćištu saslućan optuženi povodom prijedloga tućioca za izdavanje kaznenog naloga. S tim u vezi, a nakon što je optuženi izjavio da je kriv za poćinjenje krivićnog djela krijumćarenje ljudi iz člana 189. stav 2. u vezi sa stavom 1. KZBiH i da prihvata krivićnopravnu sankciju predloćenu u optućnici, utvrćena je krivnja optuženog te presudom izdat kazneni nalog u skladu s optućnicom kojim je optuženom izrećena uvjetna osuda, odnosno utvrćena kazna zatvora u trajanju od jedne (1) godine, i istovremeno odrećeno da se kazna zatvora neće izvršiti ako optuženi u roku od dvije (2) godine, od dana pravosnažnosti presude, ne poćini novo krivićno djelo.

- **Ismail Išimović – S1 3 K 035482 20 Kps**

Sud je nakon održanog pretresa za razmatranje sporazuma o priznanju krivnje i pretresa za izricanje krivićnopravne sankcije izrekao presudu kojom je optuženi Ismail Išimović oglašen krivim za krivićno djelo krijumćarenje ljudi iz člana 189.

stav 2. Krivičnog zakona Bosne i Hercegovine. Sud je optuženom izrekao uvjetnu osudu kojom je utvrđena kazna zatvora u trajanju od jedne (1) godine i istovremeno određeno da se ova kazna neće izvršiti ukoliko optuženi u roku od tri (3) godine, od dana pravosnažnosti ove presude ne počini novo krivično djelo.

- **Jovo Simić – S1 3 K 038974 20 K**

Sud je 21.1.2021. godine, nakon održanog ročišta za razmatranje izjave o priznanju krivnje i izricanje krivičnopravne sankcije, donio presudu kojom je optuženi oglašen krivim za krivično djelo krijumčarenje ljudi iz člana 189. stav 2. KZBiH u vezi s članovima 26. i 29. istog Zakona. Sud je izrekao uvjetnu osudu kojom je utvrđena kazna zatvora u trajanju od osam (8) mjeseci, a koja kazna se neće izvršiti ako optuženi u roku od dvije (2) godine, od dana pravomoćnosti presude, ne počini novo krivično djelo.

- **Momir Skulić – S1 2 K 036410 20 K**

Sud je, nakon održanog ročišta za razmatranje izjave o priznanju krivnje i pretresa za izricanje krivičnopravne sankcije, donio presudu kojom je optuženi Momir Skulić oglašen krivim za krivično djelo krijumčarenje iz člana 214. stav 1. KZBiH. Sud je optuženom izrekao uvjetnu osudu kojom je utvrđena kazna zatvora u trajanju od jedne (1) godine, te istovremeno određeno da se ova kazna neće izvršiti ako optuženi u roku od tri (3) godine od dana pravosnažnosti presude ne počini novo krivično djelo. Kao sporednu, Sud je izrekao novčanu kaznu u iznosu od 500,00 KM koju je optuženi dužan platiti u roku od tri (3) mjeseca od dana pravosnažnosti presude.

- **Dražen Vićanović i dr. – S1 2 K 041480 21 K**

Sud je, nakon prihvatanja sporazuma o priznanju krivnje, donio presudu kojom su optuženi Dražen Vićanović i Mirko Bijelović oglašeni krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH, u vezi s krivičnim djelom krijumčarenje ljudi iz člana 189. stav 2. KZBiH. Sud je optuženima izrekao uvjetnu osudu i to: optuženom Draženu Vićanoviću uvjetnu osudu kojom je utvrđena kazna zatvora u trajanju od dvije (2) godine i istovremeno određeno da se ova kazna neće izvršiti ako optuženi Dražen Vićanović u roku od pet (5) godina od dana pravomoćnosti ove presude ne počini novo krivično djelo i optuženom Mirku Bijeloviću uvjetnu osudu kojom je utvrđena kazna zatvora u trajanju od jedne (1) godine i šest (6) mjeseci i istovremeno određeno da se ova kazna neće izvršiti ako optuženi Mirko Bijelović u roku od tri (3) godine od dana pravomoćnosti ove presude ne počini novo krivično djelo. Sud je kao sporedne izrekao novčane kazne – i to: optuženom Draženu Vićanoviću novčanu kaznu u iznosu od 2.000,00 KM koju je optuženi već uplatio na račun budžeta BiH i optuženom Mirku Bijeloviću novčanu kaznu u iznosu od 500,00KM koju je optuženi također uplatio na račun budžeta BiH. Na osnovu članova 110. i 111. KZBiH, od optuženog Dražena Vićanovića oduzima se

imovinska korist pribavljena krivičnim djelom u visini od 300,00 (tri stotine) EUR, odnosno protuvrijednost u konvertibilnim markama prema srednjem kursu Centralne banke BiH važećem na dan uplate, a koji je optuženi već uplatio na račun budžeta BiH.

- **Vernes Ibranović – S1 2 K 030818 21 K**

Sud je nakon priznanja krivnje na glavnom pretresu izrekao presudu kojom je optuženi Vernes Ibranović oglašen krivim za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH i krivično djelo krijumčarenje ljudi iz člana 189. stav 2. KZBiH. Sud je optuženom izrekao uvjetnu osudu kojom mu je utvrđena jedinstvena kazna zatvora u trajanju od jedne (1) godine i šest (6) mjeseci i istovremeno određeno da se utvrđena kazna neće izvršiti ako optuženi u roku od četiri (4) godine, od dana pravomoćnosti presude, ne počini novo krivično djelo.

- **Alija Mahmutspahić – S1 2 K 041663 21 K**

Sud je, nakon ročišta za razmatranje sporazuma o priznanju krivnje i pretresa za izricanje krivičnopravne sankcije, donio presudu od 24.12.2021. godine kojom je optuženi Alija Mahmutspahić oglašen krivim što je počinio krivično djelo organiziranje grupe ili udruženja za izvršenje krivičnog djela krijumčarenje migranata iz člana 189.a stav 2. KZBiH i krivično djelo krijumčarenje ljudi iz člana 189. stav 2. KZBiH. Sud je optuženom za krivično djelo organiziranje grupe ili udruženja za izvršenje krivičnog djela krijumčarenje migranata iz člana 189a. stav 2. KZBiH utvrdio kaznu zatvora u trajanju od osam (8) mjeseci, a za krivično djelo krijumčarenje ljudi iz člana 189. stav 2. KZBiH kaznu zatvora u trajanju od šest (6) mjeseci. Na osnovu odredbe člana 53. stav 2. tačka b) KZBiH, Sud je optuženom izrekao uvjetnu osudu kojom je utvrđena jedinstvena kazna zatvora u trajanju od jedne (1) godine. Istovremeno je određeno da se utvrđena kazna neće izvršiti ako optuženi u roku od tri (3) godine, od dana pravosnažnosti presude, ne počini novo krivično djelo.

- **Jasmin Grahović i dr. – S1 2 K 030941 20 Kžk**

Sud je 1.6.2021. godine izrekao drugostepenu presudu kojom su optuženi Jasmin Grahović i Edin Alibegić oslobođeni od optužbe da su počinili krivično djelo organiziranje grupe ili udruženja za izvršenje krivičnog djela krijumčarenje migranata iz člana 189a. stav 2., u vezi s krivičnim djelom krijumčarenje ljudi iz člana 189. stav 2. u vezi sa stavom 1. KZBiH.

- **Tarek Oueslati i dr. – S1 3 K 035336 20 K**

Sud je 21.4.2021. godine donio presudu kojom se optuženi oglašavaju krivima zbog krivičnog djela krijumčarenje ljudi iz člana 189. stav 3. u vezi sa stavom 2. KZBiH, te je optuženi Tarek Oueslati osuđen na kaznu zatvora u trajanju od dvije (2) godine, te mu je izrečena novčana kazna u visini od 6.000 KM, dok je optuženi

Alen Fale osuđen na kaznu zatvora u trajanju od jedne (1) godine, te mu je izrečena novčana kazna u visini od 3.000,00 KM. Optuženom Tareku Oueslatiju u kaznu zatvora uračunato je vrijeme provedeno u pritvoru, te su od istog oduzeti predmeti izvršenja krivičnog djela i protupravno stečena imovinska korist.

- **Muris Purić – S1 3 K 036945 20 K**

Nakon prihvatanja sporazuma o priznanju krivnje, Sud je donio presudu kojom je optuženi oglašen krivim zbog krivičnog djela krijumčarenje ljudi iz člana 189. stav 1. u vezi s članom 26. stav 1. KZBiH, te mu je za navedeno krivično djelo izrečena uvjetna osuda kojom mu je utvrđena kazna zatvora u trajanju od jedne (1) godine te je istovremeno određeno da se ista neće izvršiti ukoliko optuženi u roku od dvije (2) godine ne počini novo krivično djelo. Istom presudom je, kao sporedna kazna, optuženom izrečena novčana kazna u visini od 1.000 KM, te su od optuženog oduzeti predmeti izvršenja krivičnog djela i isti je obavezan na plaćanje troškova krivičnog postupka.



Sud Bosne i Hercegovine
Суд Босне и Херцеговине



Odjeljenje za informisanje javnosti i saradnju sa zajednicom

Sud Bosne i Hercegovine

Kraljice Jelene 88

Sarajevo, BiH

+ 387 33 707 164, 165, 178, 194

pios@sudbih.gov.ba

www.sudbih.gov.ba

Sud Bosne i Hercegovine

Kraljice Jelene 88, Sarajevo